

摘藻堂四庫全書薈要

史部

欽定四庫全書薈要卷三千七百六十一

史部

前漢書卷三十八

漢 蘭 臺 令 史班 固撰

唐正議大夫行秘書少監琅邪縣開國子顏師古注

高五王傳第八

高皇帝八男呂后生孝惠帝曹夫人生齊悼惠王肥薄
姬生孝文帝戚夫人生趙隱王如意趙姬生淮南厲王
長諸姬生趙幽王友趙共王恢燕靈王建

鄭氏曰諸姬姓也張晏曰

非一之稱也師古曰諸姬總言在姬姜之列者耳其知姓位者史各具言之不知氏族及秩次者則云諸姬也而趙幽以下三王非必同母蓋以皆不知其所生之姬姓故總言之文三王傳云諸姬生代孝王參梁懷王揖景十三王傳云屬諸姬子於栗姬此意皆同張云非一近得之矣春秋左氏傳曰諸子仲子戎子諸子鬻姁此其例也豈以諸為姓乎鄭說淮南厲王長自有傳非矣共讀曰恭其下類此

齊悼惠王肥其母高祖微時外婦也

師古曰謂與旁通者

高祖六

年立食七十餘城諸民能齊言者皆與齊

孟康曰此時流移故使齊

言者還齊也師古曰欲其國大故多封之

孝惠二年入朝帝與齊王燕飲太

后前置齊王上坐如家人禮

師古曰以兄弟齒列不從若臣之禮故曰家人也坐

音材
臥反

太后怒廼令人酌兩卮鵠酒置前

應劭曰鵠鳥黑
身赤目食蝮蛇

野葛以其羽畫
酒中飲之立死

令齊王為壽齊王起帝亦起欲俱為壽

太后恐自起反卮

師古曰
反音幡

齊王怪之因不敢飲陽醉去

問知其鵠廼憂自以為不得脫長安

師古曰脫免也言
死於長安不得更

至齊國也脫
音吐活反

內史士曰

師古曰內史王
官士者其名也

太后獨有帝與

魯元公主今王有七十餘城而公主廼食數城王誠以

一郡上太后為公主湯沐邑太后必喜王無患矣於是

齊王獻城陽郡以尊公主為王太后

師古曰為齊王太
后也言以母禮事

之所以自媚也
解具在惠紀

呂太后喜而許之廼置酒齊邸樂飲遣

王歸國後十三年薨子襄嗣

趙隱王如意九年立

師古曰高祖之九年也他皆類此

四年高祖崩

師古

曰趙王之四年

呂太后徵王到長安鳩殺之無子絕

趙幽王友十一年立為淮陽王趙隱王如意死孝惠元

年徙友王趙凡立十四年

○宋祁曰四字校添

友以諸呂女為后

不愛愛它姬諸呂女怒去讒之於太后曰王曰呂氏安

得王

師古曰安猶焉也

太后百歲後吾必擊之太后怒以故名

趙王趙王至置邸不見令衛圍守之不得食其羣臣或

竊饋之輒捕論之趙王餓乃歌曰諸呂用事兮劉氏微

迫脅王侯兮彊授我妃我妃既妒兮誣我以惡師古曰惡音一

反故讒女亂國兮上曾不寤我無忠臣兮何故師古曰謂不能明白

之也棄國自快中野兮蒼天與直師古曰天色蒼蒼故曰蒼天言已之理直冀天

臨監之○劉攽曰棄國當屬上句宋祁曰浙本無自字于嗟不可悔兮寧早自賊

師古曰賊害也悔不早棄趙國而快為王餓死兮誰者意自殺於田野之中今乃被幽餓也

憐之呂氏絕理兮託天報仇○宋祁曰仇音渠尤反讎也遂幽死以

民禮葬之長安高后崩孝文即位立幽王子遂為趙王

二年有司請立皇子為王上曰趙幽王幽死朕甚憐之

已立其長子遂為趙王遂弟辟彊及齊悼惠王子朱虛

侯章東牟侯興居有功皆可王於是取趙之河間立辟

彊是為河間文王文王立十三年薨子哀王福嗣一年

薨無子國除趙王遂立二十六年孝景時鼂錯以過削

趙常山郡諸侯怨吳楚反遂與合謀起兵其相建德內

史王悍諫不聽遂燒殺德悍

師古曰上云其相建德內史王悍下云燒殺德悍是

為相姓建名德也而景武功臣侯表云遽侯橫父建德以趙相死事子侯則是不知其姓表傳不同疑後人轉寫此傳誤脫去一建字也發兵任其西界欲待吳楚俱進北使匈奴與連和漢使曲周侯酈寄擊之趙王城守邯鄲相距七月吳楚敗匈奴聞之亦不肯入邊塞布自破齊還并兵引水灌趙城城壞王遂自殺國除景帝憐趙相內史守正死皆封其子為列侯

趙共王恢十一年梁王彭越誅立恢為梁王十六年趙幽王死呂后徙恢王趙恢心不樂太后以呂產女為趙

王后王后從官皆諸呂也內擅權微司趙王王不得自
恣王有愛姬王后鳩殺之王乃為歌詩四章令樂人歌
之王悲思六月自殺太后聞之以為用婦人故自殺無
思奉宗廟禮廢其嗣

燕靈王建十一年燕王盧綰亡入匈奴明年立建為燕

王十五年薨有美人子

師古曰王之美人生子也

太后使人殺之絕

後

齊悼惠王子前後凡九人為王太子襄為齊哀王次子

章為城陽景王興居為濟北王將閭為齊王志為濟北

王辟光為濟南王

師古曰辟音壁又讀曰闕

賢為菑川王卬為膠西

王雄渠為膠東王齊哀王襄孝惠六年嗣立明年惠帝

崩呂太后稱制元年以其兄子酈侯呂台為呂王

師古曰酈

音教割齊之濟南郡為呂王奉邑

師古曰奉音扶用反他皆類此

明年哀

王弟章入宿衛於漢高后封為朱虛侯以呂祿女妻之

後四年封章弟興居為東牟侯皆宿衛長安高后七年

割齊琅邪郡立營陵侯劉澤為琅邪王是歲趙王友幽

死于邸三趙王既廢高后立諸呂為三王擅權用事章

年二十有氣力忿劉氏不得職嘗入侍燕飲高后令章

為酒吏章自請曰臣將種也請得以軍法行酒高后曰

可酒酣章進歌舞已而曰請為太后言耕田師古曰欲申諷喻也

高后兒子畜之師古曰比之於子也笑曰顧乃父知田耳師古曰顧念也

乃汝也汝父謂高帝也○劉敞曰兒子畜之不以人臣待之也乃父直謂王肥耳下又云齊王自以兒子年少

豈可以琅邪為父也若生而為王子安知田乎師古曰若亦汝也章曰臣

知之太后曰試為我言田意章曰深耕穡種立苗欲疏

師古曰稊稊也稊種者言多生子孫也非其種者鉏而
疏立者四散置之令為藩輔也稊音冀

去之

師古曰以斥諸呂也

太后默然頃之諸呂有一人醉亡酒

師古

曰避酒而逃亡

章追拔劔斬之而還報曰有亡酒一人臣謹行

軍法斬之太后左右大驚業已許其軍法亡以罪也因

罷酒自是後諸呂憚章雖大臣皆依朱虛侯劉氏為彊

師古曰為音于偽反

其明年高后崩趙王呂祿為上將軍呂王產

為相國皆居長安中聚兵以威大臣欲為亂章以呂祿
女為婦知其謀乃使人陰出告其兄齊王欲令發兵西

師古曰西
諸京師

朱虛侯東牟侯欲從中與大臣為內應以誅

諸呂因立齊王為帝齊王聞此計與其舅駙鈞郎中令

祝午中尉魏勃陰謀發兵齊相召平聞之

師古曰召
讀曰邵

乃

發兵入衛王宮魏勃給平曰

師古曰
給誑也

王欲發兵非有漢

虎符驗也而相君圍王固善勃請為君將兵衛衛王

師古

曰謂將兵及衛守之具
以禁衛王令不得發也

召平信之乃使魏勃將勃既將

以兵圍相府召平曰嗟乎道家之言當斷不斷反受其

亂遂自殺於是齊王以駙鈞為相魏勃為將軍祝午為

內史悉發國中兵使祝午給琅邪王曰呂氏為亂齊王

發兵欲西誅之齊王自以兒子年少不習兵革之事願

舉國委大王大王自高帝將也

師古曰言自高帝之時以為將也

習戰

事齊王不敢離兵

服虔曰不敢離其兵而到琅邪

使臣請大王幸之臨

菑見齊王計事并將齊兵以西平關中之亂琅邪王信

之以為然廼馳見齊王齊王與魏勃等因留琅邪王而

使祝午盡發琅邪國而并將其兵琅邪王劉澤既敗不

得反國乃說齊王曰齊悼惠王高皇帝長子也推本言

之大王高皇帝適長孫也

師古曰適讀曰嫡

當立今諸大臣孤

疑未有所定而澤於劉氏最為長年大臣固待澤決計

今大王留臣無為也不如使我入關計事齊王以為然

乃益具車送琅邪王琅邪王既行齊遂舉兵西攻呂國

之濟南於是齊王遺諸侯王書曰高帝平定天下王諸

子弟悼惠王薨惠帝使留侯張良立臣為齊王惠帝崩

高后用事春秋高聽諸呂擅廢帝更立又殺三趙王滅

梁趙燕以王諸呂分齊國為四

師古曰本自齊國更分為濟南琅邪城陽凡為

也忠臣進諫上或亂不聽今高后崩皇帝春秋富

師古曰言

年幼也比之於財方未匱竭故謂之富

未能治天下固待大臣諸侯今諸

呂又擅自尊官聚兵嚴威劫列侯忠臣矯制以令天下

師古曰矯託也託天子之制詔也矯音矯

宗廟以危寡人帥兵入誅不當為

王者漢聞之相國呂產等遣大將軍潁陰侯灌嬰將兵

擊之嬰至滎陽乃謀曰諸呂舉兵關中欲危劉氏而自

立今我破齊還報是益呂氏資也乃留兵屯滎陽使人

諭齊王及諸侯與連和

師古曰諭謂曉告也

以待呂氏之變而共

誅之齊王聞之乃屯兵西界待約呂祿呂產欲作亂朱

虛侯章與太尉勃丞相平等誅之章首先斬呂產太尉

勃等乃盡誅諸呂而琅邪王亦從齊至長安大臣議欲

立齊王皆曰母家駟鈞惡戾虎而冠者也

張晏曰言鈞惡戾如虎著

冠訪以呂氏故幾亂天下

如淳曰訪猶方也師古曰幾音鉅衣反○劉攽曰此訪與

公羊訪於此義同

今又立齊王是欲復為呂氏也代王母家薄

氏君子長者且代王高帝子於今見在最為長以子則

順以善人則大臣安於是大臣乃謀迎代王而遣章以

誅呂氏事告齊王令罷兵灌嬰在滎陽聞魏勃本教齊

王反既誅呂氏罷齊兵使使召責問魏勃勃曰失火之

家豈暇先言丈人後救火乎

師古曰言以社稷將危故舉兵以臣之不暇待有詔

命也○宋祁曰注文以臣之或作以匡之

因退立股戰而栗

師古曰股脚也戰者懼之甚也

恐不能言者終無他語灌將軍孰視笑曰人謂魏勃勇

妄庸人耳何能為乎乃罷勃

師古曰放令去

勃父以善鼓琴見

秦皇帝及勃少時欲求見齊相曹參家貧無以自通乃

常獨早埽齊相舍人門外舍人怪之以為物而司之得

勃

師古曰物謂鬼神司者察視之

勃曰願見相君無因故為子埽欲以

求見於是舍人見勃曹參因以為舍人壹為參御言事

以為賢言之悼惠王王召見拜為內史始悼惠王得自

置二千石及悼惠王薨哀王嗣勃用事重於相齊王既

罷兵歸而代王立是為孝文帝文帝元年盡以高后時

所割齊之城陽琅邪濟南郡復予齊而徙琅邪王王燕

益封朱虛侯東牟侯各二千戶黃金千斤是歲齊哀王

薨子文王則嗣十四年薨無子國除城陽景王章孝文

二年以朱虛侯與東牟侯興居俱立二年薨子共王喜

嗣孝文十二年徙王淮南五年復還王城陽凡立三十

三年薨子頃王延嗣二十六年薨子敬王義嗣九年薨

子惠王武嗣十一年薨

○宋祁曰越本作十年

子荒王順嗣四十

六年薨

○宋祁曰越本作三十八年

子戴王恢嗣八年薨子孝王景

嗣二十四年薨子哀王雲嗣一年薨無子國絕成帝復

立雲兄俚為城陽王

師古曰俚音里

王莽時絕濟北王興居初

以東牟侯與大臣共立文帝於代邸曰誅呂氏臣無功

請與太僕滕公俱入清宮

師古曰滕公夏侯嬰也

遂將少帝出迎

皇帝入宮始誅諸呂時朱虛侯章功尤大大臣許盡以

趙地王章盡以梁地王興居及文帝立聞朱虛東牟之

初欲立齊王故黜其功

師古曰不賞之

二年王諸子乃割齊二

郡以王章興居章興居意自以失職奪功歲餘章薨而

匈奴大入邊漢多發兵丞相灌嬰將擊之文帝親幸太

原興居以為天子自擊胡遂發兵反上聞之罷兵歸長

安使棘蒲侯柴將軍

張晏曰柴武

擊破虜濟北王王自殺國

除文帝憫濟北王逆亂以自滅明年盡封悼惠王諸子

罷軍等七人為列侯

師古曰罷音皮彼反又讀曰疲

至十五年齊文王

又薨無子時悼惠王後尚有城陽王在文帝憐悼惠王

適嗣之絕

師古曰適讀曰嫡○宋祁曰越本絕字下有世字

於是乃分齊為六

國盡立前所封悼惠王子列侯見在者六人為王齊孝

王將閭以楊虛侯立濟北王志以安都侯立菑川王賢

以武成侯立膠東王雄渠以白石侯立膠西王卬以平

昌侯立濟南王辟光以勃侯立

服虔曰勃音勒勃平原縣也

孝文十

六年六王同日俱立立十一年孝景三年吳楚反膠東

膠西菑川濟南王皆發兵應吳楚欲與齊

師古曰與齊同反

齊

孝王狐疑城守不聽三國兵共圍齊

張晏曰膠西菑川濟南也○劉奉世

曰吳王濞傳前云膠西膠東菑川三國各引兵歸則此三國無濟南王

也然初言四國共圍齊又言三國疑必有誤齊王使路中大夫告於天子

張晏

曰姓路為中大夫

天子復令路中大夫還報告齊王堅守漢兵

今破吳楚矣路中大夫至三國兵圍臨菑數重無從入

三國將與路中大夫盟曰若反言漢已破矣

師古曰若汝也反謂

反易其辭也

齊趣下三國不且見屠

師古曰趣讀曰促

路中大夫既

許至城下望見齊王曰漢已發兵百萬使太尉亞夫擊破吳楚方引兵救齊齊必堅守無下三國將誅路中大夫齊初圍急陰與三國通謀約未定會路中大夫從漢來其大臣乃復勸王無下三國會漢將藥布平陽侯等兵至齊

師古曰平陽侯曹襄

擊破三國兵解圍已後聞齊初與三

國有謀將欲移兵伐齊齊孝王懼飲藥自殺而膠東膠西濟南菑川王皆伏誅國除獨濟北王在齊孝王之自

殺也景帝聞之以為齊首善

師古曰言其初首無逆亂之心

以迫劫有

謀非其罪也召立孝王太子壽是為懿王二十三年薨

子厲王次昌嗣其母曰紀太后太后取其弟紀氏女為

王后王不愛紀太后欲其家重寵

師古曰重音直用反

令其長女

紀翁主入王宮

師古曰諸王女曰翁主而紀氏所生故謂之紀翁主

正其後宮無

令得近王欲令愛紀氏女王因與其姊翁主姦齊有宦

者徐甲

師古曰宦者奄人

入事漢皇太后

張晏曰皇太后武帝之母

皇太后

有愛女曰脩成君脩成君非劉氏子

蘇林曰皇太后前嫁金氏所生太

后憐之脩成君有女娥太后欲嫁之於諸侯宦者甲乃請使齊必令王上書請娥皇太后大喜使甲之齊時主父偃知甲之使齊以取后事亦因謂甲即事成幸言偃女願得充王後宮甲至齊風以此事

師古曰風讀曰諷

紀太后

怒曰王有后後宮備具且甲齊貧人及為宦者入事漢初無補益乃欲亂吾王家且主父偃何為者乃欲以女充後宮甲大窮還報皇太后曰王已願尚娥

師古曰尚配也

然

事有所害恐如燕王燕王者與其子昆弟姦坐死

師古曰燕

王定國傳云與其子女三人姦子昆弟者言是其子女又長幼非一故云子昆弟也一曰子昆弟者定國之姊

妹也言定國姦其子女及其姊妹○

宋祁曰浙本正文坐死字上有新字

故以燕感太后

師古

曰言齊王與其姊妹姦終當坐之致死不足嫁女與之

太后曰毋復言嫁女齊事

事寢淫聞於上

師古曰寢古浸字也寢淫猶言漸染也

主父偃由此與齊

有隙偃方幸用事因言齊臨菑十萬戶市租千金

師古曰收

一市之租直千金也

人衆殷富鉅於長安非天子親弟愛子不得

王此今齊王於親屬益疏乃從容言呂太后時齊欲反

師古曰從音千容反

及吳楚時孝王幾為亂

師古曰幾音鉅依反○宋祁曰自及吳楚

止鉅依反十七字
景德本有他本無

今聞齊王與其姊亂於是武帝拜偃

為齊相且正其事偃至齊急治王後宮宦者為王通於

姊翁主所者辭及王王年少懼以罪

○宋祁曰越本以作大

為吏

所執誅乃飲藥自殺是時趙王懼主父偃壹出敗齊恐

其漸疏骨肉乃上書言偃受金及輕重之短

師古曰輕重謂用心

不平天子亦因囚偃公孫弘曰齊王以憂死無後非誅偃

無以塞天下之望

師古曰塞滿也

偃遂坐誅厲王立五年國除

濟北王志吳楚反時初亦與通謀後堅守不發兵故得

不誅徙王菑川元朔中齊國絕悼惠王後唯有二國城

陽菑川菑川地比齊

師古曰比近也音頻二反

武帝為悼惠王冢園

在齊廼割臨菑東園悼惠王冢園邑盡以予菑川

師古曰園

謂周繞之

令奉祭祀志立三十五年薨是為懿王子靖王建

嗣二十年薨子頃王遺嗣三十五年薨子思王終古嗣

五鳳中青州刺史奏終古使所愛奴與八子及諸御婢

姦

如淳曰八子姦號

終古或參與被席

師古曰與讀曰預

或白晝使羸

伏犬馬交接

師古曰羸者露形體也音郎果反

終古親臨觀產子輒曰

亂不可知使去其子

師古曰去除也音丘呂反

事下丞相御史奏終

古位諸侯王以令置八子秩比六百石所以廣嗣重祖

也而終古禽獸行亂君臣夫婦之別悖逆人倫

師古曰悖乖也

音步內反請逮捕有詔削四縣二十八年薨子考王尚嗣五

年薨子孝王橫嗣三十一年薨子懷王交嗣六年薨子

永嗣王莽時絕

贊曰悼惠之王齊最為大國以海內初定子弟少激秦

孤立亡藩輔

師古曰激感發也音工歷反

故大封同姓以填天下

師古

日填音
竹刃反

時諸侯得自除御史大夫羣卿以下衆官如漢

朝漢獨為置丞相自吳楚誅後稍奪諸侯權左官附益

阿黨之法設

張晏曰諸侯有罪傅相不舉奏為阿黨師古曰皆新制律令之條也左官解在諸侯

王表附益言欲
增益諸侯王也

其後諸侯唯得衣食租稅貧者或乘牛

車

前漢書卷三十八

前漢書卷三十八考證

齊悼惠王肥傳七十餘城○

臣召南

按高紀以膠東膠

西臨菑濟北博陽城陽郡七十三縣封齊

內史士○

臣浩

按史記作內史勲

尊公主為王太后○

臣召南

按史記無此句但曰獻城

陽郡以為魯元公主湯沐邑而已

齊哀王襄傳顧乃父知田耳注汝父謂高帝也○

臣召

南

按顏注非也乃父謂悼惠王本高帝微時庶子故

曰知田上文高后兒子畜之不過言親愛耳不謂呼
孫為子也下文云若生而為王子安知田乎義尤明
白劉攽說是

非有漢虎符驗也○胡三省曰按史記文帝紀三年九
月初與郡國守相為銅虎符既有初字則前此未有
銅虎符也召平魏勃事在前何緣有銅虎符

齊孝王將閭傳會漢將藥布平陽侯等兵至齊注師古

曰平陽侯曹襄○

臣召南

按顏注大誤曹襄以武帝

元光五年嗣爵豈容孝景初年已為將軍索隱云按表是曹奇是也奇薨于景帝四年則救齊擊破三國兵乃奇未薨前一年事耳

濟北王志傳志立三十五年薨○通鑑考異曰武紀賜淮南菑川王几杖毋朝顏注淮南王安菑川王志皆武帝諸父列也按諸侯王表志在位三十五年與傳同以元光五年薨紀云菑川王志誤也

前漢書卷三十八考證

欽定四庫全書薈要卷三千七百六十二

史部

前漢書卷三十九

漢 蘭 臺 令 史班固撰

唐正議大夫行秘書少監琅邪縣開國子顏師古注

蕭何曹參傳第九

蕭何沛人也以文母害為沛主吏掾

服虔曰為人解通無嫉害也應劭曰

雖為文吏而不刻害也蘇林曰母害若言無比也一曰害勝也無能勝害之者晉灼曰酷吏傳趙禹為丞相亞夫吏府中皆稱其廉然亞夫不任曰極知禹無害然文深不可以居大府蘇說是也師古曰害傷也無人能傷

害之者蘇晉兩說皆得其意服應非也○劉奉世曰持法者或以己意私怨陷人謂之害故貴於文母害母害者取其為人母害於行則可以為吏矣文母害者蓋其時擇吏之二事也亞夫所以稱禹無害庶其一節也故韓信又云無行不得高祖為布衣時數以吏事護高祖推擇為吏餘說太泥

高祖為亭長常佑之

師古曰佑助也言居家時為何所護及為亭長何又擁助也○宋祁

曰注文也字當作之字

高祖以吏繇咸陽

師古曰繇役也

吏皆送奉

錢三何獨以五

師古曰出錢以資行他人皆三百何獨五百奉音扶用反

秦御史監

郡者與從事辨之

張晏曰何與共事辨明何素有方畧也蘇林曰辟何與從事也秦時無

刺史以御史監郡師古曰二說皆同○劉攽曰此句先題目下事言秦制御御史監郡者凡有事皆與從事共辨

之何廼給泗水卒史

師古曰泗水郡沛所屬也何為郡卒史

事第一

師古曰課

最秦御史欲入言徵何何固請得毋行

孟康曰當還入相秦事故召何

也師古曰此說非也御史以何明辨欲因入奏事之次言於朝廷徵何用之何心不願以情固請而御史止故

行也不及高祖起為沛公何嘗為丞督事

師古曰督謂監視之也何為沛

丞專督衆事

沛公至咸陽諸將皆爭走金帛財物之府分之

師古曰走謂趣向之音奏

何獨先入收秦丞相御史律令圖書藏之

沛公具知天下阨塞戶口多少彊弱處民所疾苦者以何得秦圖書也初諸侯相與約先入關破秦者王其地

沛公既先定秦項羽後至欲攻沛公沛公謝之得解羽

遂屠燒咸陽與范增謀曰巴蜀道險秦之遷民皆居蜀

迺曰蜀漢亦關中地也故立沛公為漢王而三分關中

地王秦降將以距漢王

○宋祁曰浙本距字下有塞字

漢王怒欲謀攻

項羽周勃灌嬰樊噲皆勸之何諫之曰

○宋祁曰謝郭去之字浙本無

之雖王漢中之惡不猶愈於死乎漢王曰何為乃死也

○宋祁曰乃字疑作迺

何曰今衆弗如百戰百敗不死何為周書

曰天子不取反受其咎

師古曰周書者本與尚書同類蓋孔子所刪百篇之外劉向所

秦有七十一篇語曰天漢其稱甚美

孟康曰語古語也言地之有漢若天之有河漢名號

休美臣瓚曰流俗語云天漢其言常以漢配天此美名也師古曰瓚說是也天漢河漢也○宋祁曰注文河漢

當作夫能詘於一人之下而信於萬乘之上者湯武是

也師古曰信讀曰伸古通用字臣願大王王漢中養其民以致賢人

收用巴蜀還定三秦天下可圖也漢王曰善乃遂就國

以何為丞相何進韓信漢王以為大將軍說漢令引兵

東定三秦○宋祁曰浙本說漢字下有王字語在信傳何以丞相留收

巴蜀填撫諭告師古曰填音竹刃反使給軍食漢二年漢王與諸

侯擊楚何守關中侍太子治櫟陽為令約束立宗廟社

稷宮室縣邑輒奏上可許以從事

師古曰可其所奏許其所請依以行事

即不及奏輒以便宜施行上來以聞

應劭曰上來還計乃以所為聞也

戶轉漕給軍漢王數失軍遯去何常興關中卒輒補缺

上以此剽屬任何關中事

師古曰剽讀與專同又音章阮反此即言專聲之急上者

也今俗語猶然他皆類此屬音之欲反

漢三年與項羽相距京索間

師古曰索

音山客反上數使使勞苦丞相

師古曰勞音來鮑生謂何曰

師古曰鮑生當時有識之士姓鮑而為諸生也

今王暴衣露蓋數勞苦君者有

疑君心為君計莫若遣君子孫昆弟能勝兵者悉詣軍

所上益信君於是何從其計漢王大說

師古曰說讀曰悅

漢五

年已殺項羽即皇帝位論功行封羣臣爭功歲餘不決

上以何功最盛先封為鄼侯

文穎曰音贊師古曰先封何者謂諸功臣舊有爵者

何最在前封也鄼屬南陽解在高紀○宋祁曰索隱鄒氏云鄼屬沛郡音嵯屬南陽音贊又臣瓚按茂陵書蕭何國在南陽則字當音贊今多呼為嵯也食邑八千戶功臣皆曰臣等身被

堅執兵多者百餘戰少者數十合攻城畧地大小各有

差今蕭何未有汗馬之勞徒持文墨議論不戰顧居臣

等上何也

師古曰顧猶反也

上曰諸君知獵乎曰知之知獵狗

乎曰知之

○宋祁曰謝郭本去知獵狗乎曰知之七字

上曰夫獵追殺獸者

狗也而發縱指示獸處者人也

師古曰發縱謂解絀而放之也指示者以手指

示之今俗言放狗縱音子用反而讀者乃為蹤蹟之蹤非也書本皆不為蹤字自有逐蹤之狗不待人發也

今諸君徒能走得獸耳功狗也至如蕭何發縱指示功

人也且諸君獨以身從我多者三兩人蕭何舉宗數十

人皆隨我功不可忘也群臣後皆莫敢言列侯畢已受

封奏位次皆曰平陽侯曹參身被七十創攻城畧地功

最多宜第一上已橈功臣多封何

應劭曰橈屈也師古曰音女教反

至

位次未有以復難之然心欲何第一關內侯鄂秋時爲

謁者

○宋祁曰浙本作鄂千秋

進曰羣臣議皆誤夫曹參雖有野戰

畧地之功此特一時之事夫上與楚相距五歲失軍亡

衆跳身遯者數矣

師古曰跳身謂輕身走出也

然蕭何常從關中遣

軍補其處非上所詔令名而數萬衆會上乏絕者數矣

夫漢與楚相守滎陽數年軍無見糧

師古曰無見在之糧

蕭何轉

漕關中給食不乏陛下雖數亡山東蕭何常全關中待

陛下此萬世功也今雖無曹參等百數何缺於漢

師古曰數

音所具反

漢得之不必待以全柰何欲以一旦之功加萬世

之功哉

○宋祁曰浙本加字上有而字

蕭何當第一曹參次之上曰善

於是乃令何第一賜帶劔履上殿入朝不趨上曰吾聞

進賢受上賞蕭何功雖高待鄂君迺得明於是因鄂秋

故所食關內侯邑二千戶封為安平侯

○宋祁曰浙本作鄂千秋

是

日悉封何父母兄弟十餘人皆食邑乃益封何二千戶

以嘗繇咸陽時何送我獨贏錢二也

師古曰贏餘也二謂二百也衆人送

皆三百何獨五百故云羸二也

陳豨反上自將至邯鄲而韓信謀反關

中呂后用何計誅信語在信傳上已聞誅信使使拜丞

相為相國益封五千戶令卒五百人一都尉為相國衛

諸君皆賀召平獨弔

師古曰召平者故秦東陵侯秦讀曰邵

召平者故秦東陵侯秦

破為布衣貧種瓜長安城東瓜美故世謂東陵瓜從召

平始也平謂何曰禍自此始矣上暴露於外而君守於

內非被矢石之難而益君封置衛者以今者淮陰新反

於中有疑君心夫置衛衛君非以寵君也

師古曰恐其為變故守衛

之○宋祁曰浙願君讓封勿受悉以家私財佐軍何從
本句末有也字

其計上說

師古曰說讀曰悅

其秋黥布反上自將擊之

○宋祁云舊本

作上自將軍浙本無軍字數使使問相國何為

師古曰問其居守何所營為

曰為

上在軍拊循勉百姓悉所有佐軍如陳豨時

師古曰悉盡也盡所

有糧食資用出以佐軍也

客又說何曰君滅族不久矣夫君位為相

國功第一不可復加然君初入關本得百姓心十餘年

矣皆附君尚復孳孳得民和

師古曰孳字與孜同孜孜言不急也○宋祁曰注文

急一上所謂數問君

○宋祁曰此疑有者字

畏君傾動關中今君

胡不多買田地賤貫賣以自汙上心必安

師古曰貫賒也貫音上得

反於是何從其計上乃大說上罷布軍歸民道遮行

師古

曰在道上遮天子行

上書言相國彊賤買民田宅數千人上至何

謂上笑曰今相國廼利民民所上書皆以與何曰君自

謝民後何為民請曰長安地陋上林中多空地棄願令

民得入田毋收豪為獸食

師古曰豪禾稈也言恣人田之不收其豪稅也豪音工老

反稈音工旱反○劉敞曰言毋收藁草為獸食而已

上大怒曰相國多受賈人財

物為請吾苑乃下何廷尉械繫之數日王衛尉侍

如淳曰百

官公卿表衛尉王氏無名字師
古曰史失之也侍謂侍天子也

前問曰相國胡大罪陞

下繫之暴也

師古曰前問謂進而請也胡何也

上曰吾聞李斯相秦皇

帝有善歸主有惡自予今相國多受賈豎金爲請吾苑

以自媚於民

師古曰媚愛也取愛於民

故繫治之王衛尉曰夫職事

苟有便於民而請之真宰相事也陛下奈何乃疑相國

受賈民錢乎

○宋祁曰浙本作民人

且陛下距楚數歲陳豨黥布

反時陛下自將往當是時相國守關中關中搖足則關

西非陛下有也相國不以此時爲利乃利賈人之金乎

且秦以不聞其過亡天下夫李斯之分過又何足法哉

陛下何疑宰相之淺也上不懌

師古曰懌悅也感衛尉之言故慚愧而不悅也

是日使使持節赦出何何年老素恭謹徒跣入謝上曰

相國休矣

師古曰令出外自休息

相國爲民請苑吾不許

○宋祁曰越本

作相國爲民請吾苑不許

我不過爲桀紂主而相國爲賢相吾故繫

相國欲令百姓聞吾過高祖崩何事惠帝何病上親自

臨視何疾

○宋祁曰浙本無親字

因問曰君即百歲後誰可代君

對曰知臣莫如主帝曰曹參何若何頓首曰帝得之矣

何死不恨矣何買田宅必居窮僻處

師古曰辟讀曰僻僻隱也

爲家

不治垣屋

師古曰垣牆也

曰今後世賢師吾儉不賢毋爲執家

所奪孝惠二年何薨諡曰文終侯子祿嗣薨無子高后

廼封何夫人同爲鄼侯小子延爲筑陽侯

師古曰鄼及筑陽皆南陽

縣也今其地並屬襄州筑音逐

孝文元年罷同更封延爲鄼侯薨子遺

嗣薨無子文帝復以遺弟則嗣有罪免景帝二年制詔

御史故相國蕭何高皇帝大功臣所與爲天下也

師古曰爲

治也一日共造其功業

今其祀絕朕甚憐之其以武陽縣戶二千

封何孫嘉為列侯嘉則弟也薨子勝嗣後有罪免武帝
元狩中復下詔御史以鄼戶二千四百封何曾孫慶為
鄼侯布告天下令明知朕報蕭相國德也慶則子也薨
子壽成嗣坐為太常犧牲瘦免宣帝時詔丞相御史求
問蕭相國後在者得玄孫建世等十二人復下詔以鄼
戶二千封建世為鄼侯傳子至孫獲坐使奴殺人減死
論成帝時復封何玄孫之子南繼長喜為鄼侯

蘇林曰
繼音人

足摩躡之摩鉅鹿縣名也
師古曰喜為此縣之長

傳子至曾孫王莽敗乃絕

曹參沛人也秦時爲獄掾而蕭何爲主吏居縣爲豪吏

矣

師古曰言參及蕭何並爲吏之豪長也

高祖爲沛公也參以中涓從

淳如

曰中涓如中謁者也師古曰涓潔也言其擊胡陵方與在內主知潔清灑埽之事蓋親近左右也

師古曰攻秦監公軍大破之

孟康曰監御史監郡者公名也晉灼曰案高紀名平

也秦一郡置守尉監三人師古曰公者時人尊稱之耳晉說是也

東下薛擊泗水守軍

薛郭西復攻胡陵取之徙守方與方與反爲魏擊之豐

反爲魏攻之賜爵七大夫北擊司馬欣軍碭東取狐父

祁善置

文穎曰善置置名也晉灼曰祁音坻師古曰狐父祁二縣名也祁音鉅夷反又音十夷反父音

甫置若今之驛也

又攻下邑以西至虞擊秦將章邯車騎攻轅

戚及亢父

師古曰亢父音抗甫

先登遷為五大夫北救東阿擊章

邯軍陷陳追至濮陽攻定陶取臨濟南救雍丘擊李由

軍破之殺李由虜秦侯一人章邯破殺項梁也沛公與

項羽引兵而東楚懷王以沛公為碭郡長將碭郡兵於

是乃封參執帛

鄭氏曰楚爵也張晏曰孤卿也

號曰建成君遷為戚公

屬碭郡

師古曰為戚縣之令

其後從攻東郡尉軍破之成武南擊

王離軍成陽南又攻杠里大破之追北西至開封擊趙

賁軍破之

師古曰賁音奔

圍趙賁開封城中西擊秦將楊熊軍

於曲遇

師古曰曲音丘羽反遇音顯

破之虜秦司馬及御史各一人

遷為執珪

張晏曰侯伯執珪以朝位比之如淳曰呂氏春秋得伍員者位執珪古爵名也

從西

攻陽武下轅轅緱氏絕河津擊趙賁軍尸北破之

孟康曰尸

北鄉之從南攻犂與南陽守齮戰陽城郭東

應劭曰今堵陽

陷陳

取宛虜齮定南陽郡

師古曰高紀言南陽守齮降封為殷侯而此傳言虜齮紀傳不同疑

誤傳從西攻武關峽關取之

師古曰峽音堯

前攻秦軍藍田南又

夜擊其北軍大破之遂至咸陽破秦項羽至以沛公為

漢王漢王封參爲建成侯從至漢中遷爲將軍從還定

三秦攻下辨故道

鄧展曰武都二縣也

雍櫟

蘇林曰右扶風二縣也櫟音胎

擊章

平軍於好畤南破之圍好畤取壤鄉

文穎曰壤地名也

擊三秦

軍壤東及高櫟破之

師古曰櫟音歷

復圍章平平出好畤走因

擊趙賁內史保軍破之東取咸陽更名曰新城參將兵

守景陵

孟康曰縣名也

二十三日三秦使章平等攻參參出擊

大破之賜食邑於寧秦

蘇林曰今華陰

以將軍引兵圍章邯廢

丘以中尉從漢王出臨晉關至河內下修武度圍津

師古

曰在東擊龍且項佗定陶破之

師古曰且音子餘反佗音徒河反

東取

碭蕭彭城擊項籍軍漢軍大敗走參以中尉圍取雍丘

王武反於外黃程處反於燕

服虔曰皆漢將師古曰燕東郡之縣故南燕國音一

千反往擊盡破之柱天侯反於衍氏進破取衍氏擊羽嬰

於昆陽追至葉

師古曰葉南陽縣也音式涉反

還攻武彊

師古曰武彊城在陽武

因至滎陽參自漢中為將軍中尉從擊諸侯及項王敗

還至滎陽

師古曰敗謂戰彭城而敗

漢二年拜為假左丞相入屯兵

關中月餘魏王豹反以假丞相

○宋祁曰浙本假字下有左字

別與韓

信東攻魏將孫遨東張

蘇林曰東張屬河東師古曰遨古速字○宋祁曰浙本正文遨

字下有軍字

大破之因攻安邑得魏將王襄擊魏王於曲陽

追至東垣生獲魏王豹取平陽得豹母妻子盡定魏地

凡五十二縣賜食邑平陽因從韓信擊趙相國夏說軍

於鄔東

蘇林曰鄔太原縣也師古曰說讀曰悅鄔音一户反又音乙據反

大破之斬夏

說韓信與故常山王張耳引兵下井陘擊成安君陳餘

而令參還圍趙別將戚公於鄔城中戚公出走追斬之

廼引兵詣漢王在所韓信已破趙為相國東擊齊參以

左丞相屬焉攻破齊歷下軍遂取臨淄還定濟北郡收

著漯陰平原鬲盧

師古曰五縣名也時未有濟北郡史追書之耳著音竹庶反又音直庶反

漯音它合反鬲與隔同

已而從韓信擊龍且軍於上假密

文穎曰或以為

高大破之斬龍且虜亞將周蘭

師古曰亞將次將也

定齊郡凡得

七十縣得故齊王田廣相田光其守相許章及故將軍

田既

師古曰守相為相居守者

韓信立為齊王引兵東詣陳與漢王

共破項羽而參留平齊未服者漢王即皇帝位韓信徙

為楚王參歸相印焉高祖以長子肥為齊王而以參為

相國

○宋祁曰相國字上當有齊字

高祖六年與諸侯剖符賜參爵列

侯食邑平陽萬六百三十戶世世勿絕參以齊相國擊

陳豨將張春破之黥布反參從悼惠王將車騎十二萬

與高祖會擊黥布軍大破之南至蘄還定竹邑相蕭留

師古曰四縣名

參功凡下二國縣百二十二得王二人相三人

將軍六人大莫歟郡守司馬侯御史各一人

如淳曰

曰莫教楚鄉號也時近六國故有令尹莫教之官

孝惠元年除諸侯相國法更

以參為齊丞相參之相齊齊七十城天下初定悼惠王

富於春秋參盡名長老諸先生問所以安集百姓而齊

故諸儒以百數

師古曰數音所具反

言人人殊參未知所定聞膠

西有蓋公

師古曰蓋音古蓋反

善治黃老言

張晏曰黃帝老子之書

使人厚

幣請之既見蓋公蓋公為言治道貴清靜而民自定推

此類具言之參於是避正堂舍蓋公焉

師古曰舍止也

其治要

用黃老術故相齊九年齊國安集大稱賢相蕭何薨參

聞之告舍人趣治行

師古曰舍人猶家人也一說私屬官主家事者也趣讀曰促謂速也

治行謂修治行裝也○宋祁

曰浙本注文作猶言家人也

吾且入相居無何使者果

召參參去屬其後相

師古曰屬音之欲反

曰以齊獄市為寄慎勿

擾也後相曰治無大於此者乎參曰不然夫獄市者所

以并容也今君擾之姦人安所容乎吾是以先之

曰孟康

獄市者兼受善惡若窮極姦人姦人無所容竄又且為亂秦人極刑而天下畔孝武峻法而獄繁此其効也師

古曰老子云我無為民自化我好靜民自正參欲以道化為本不欲擾其末也○宋祁曰浙本注文無師古曰

三始參微時與蕭何善及為宰相有隙

師古曰參自以戰鬪功多而封

賞每在何後故怨何也○劉奉世曰此特師古意料之爾

至何且死所推賢唯參

代何為相國舉事無所變更壹遵何之約束

師古曰舉皆也言凡

事皆無擇郡國吏長大

孟康曰取年長大者

訥於文辭謹厚長者

即召除爲丞相史吏言文刻深欲務聲名輒斥去之

師古

曰斥也日夜飲酒卿大夫以下吏及賓客見參不事事

如淳

曰不事丞來者皆欲有言至者參輒飲以醇酒

師古曰醇酒不

澆謂厚酒也度之欲有言復飲酒醉而後去

師古曰度音大各反飲音於禁

反終莫得開說

如淳曰開謂有所啟白

以爲常相舍後園近吏舍

吏舍日飲歌呼

師古曰呼音火故反其下並同

從吏患之無如何

師古曰從

吏吏之常從相者也從音材用反

迺請參遊後園聞吏醉歌呼從吏幸

相國召按之乃反取酒張坐飲

師古曰張設坐席而飲也坐音才卧反

大

歌呼與相和參見人之有細過掩匿覆蓋之府中無事

參子窋為中大夫

師古曰窋音張律反

惠帝怪相國不治事以為

豈少朕與

師古曰言豈以我為年少故也與讀曰歟

廼謂窋曰女歸試私從

容問乃父

師古曰乃汝也

曰高帝新棄羣臣帝富於春秋君為

相國日飲無所請事何以憂天下然無言吾告女也窋

既洗沐歸時間自從其所諫參

師古曰間謂空隙也自從其所猶言自出其意

也參怒而笞之二百曰趣入侍

師古曰趣讀曰促

天下事非乃

所當言也至朝時帝讓參

師古曰讓責也

曰與蜜胡治乎

師古曰胡

何也言其蜜為何治也治音丈吏反

乃者我使諫君也

師古曰乃者猶言曩者

參免

冠謝曰陛下自察聖武孰與高皇帝上曰朕乃安敢望

先帝參曰陛下觀參孰與蕭何賢

○宋祁曰浙本觀上參字下有能字

上

曰君似不及也參曰陛下言之是也且高皇帝與蕭何

定天下法令既明具陛下垂拱參等守職遵而勿失不

亦可乎惠帝曰善君休矣

師古曰且令出休息

參為相國三年薨

謚曰懿侯百姓歌之曰蕭何為法講若畫一

文潁曰講或作較師

古曰講和也畫曹參代之守而勿失載其清靖民以寧
一言整齊也

壹

師古曰載猶乘也

密嗣侯高后時至御史大夫傳國至曾孫

襄武帝時為將軍擊匈奴薨子宗嗣有罪完為城旦至

哀帝時乃封參玄孫之孫本始為平陽侯二千戶王莽

時薨子宏嗣建武中先降河北封平陽侯至今八侯劉

攷曰八侯
字疑衍

贊曰蕭何曹參皆起秦刀筆吏

師古曰刀所以削書也古者用簡牒故吏皆以

刀筆自
隨也
當時錄錄未有奇節

師古曰錄錄猶鹿鹿言在凡庶之中也

漢興

依日月之末光

師古曰易文言云聖人作而萬物覩又曰見龍在田天下文明贊言何參值漢

初興故以日月為喻耳

何以信謹守管籥參與韓信俱征伐

師古曰高

祖出征何每居守故曰守管籥

天下既定因民之疾秦法順流與之更

始二人同心遂安海內淮陰黥布等已滅唯何參擅功

名位冠群臣聲施後世

師古曰冠謂居其首

為一代宗臣

師古曰言為後

世之所尊仰故曰宗臣也

慶流苗裔盛矣哉

前漢書卷三十九

前漢書卷三十九考證

蕭何傳常佑之。○史記作常左右之

事第一○ 臣召南 按事字應屬上句言何給泗水郡卒

史事也第一即是課最上不必有事字舊讀恐非

漢王怒謀欲攻項羽云云○ 臣召南 按漢王就國漢中

一段此史記所缺而班氏補之何為漢功臣之首宜也

先封為鄼侯注師古曰謂諸功臣舊有爵者何最在前

封也○臣召南

按功臣表六年十二月甲申封曹參

靳歙夏侯嬰王吸傅寬召歐薛歐陳滎陳嬰陳平凡
十侯至正月丙午封張良劉繆蕭何周勃樊噲酈商
灌嬰周昌武虎董濞孔聚陳賀陳豨共十三侯其餘
功臣未封者尚多即上文所云羣臣爭功歲餘不決
者也注舊有爵者疑應作未封爵者

而發縱指示獸處者人也注○洪氏隸釋曰蹤縱据漢
人數碑固多借用顏注殆未然也

列侯畢已受封奏位次○臣召南按十八侯位次定於

此時

是日悉封何父母兄弟十餘人○父母史記作父子

上已聞誅信使使拜丞相為相國○臣召南按丞相紫

綬相國則綠綬矣漢初相國惟何及曹參二人自參薨後即仍稱丞相又按何為相國在淮陰既誅之後

此傳甚明而公卿表乃列于九年誤也若在九年則
豨尚未叛信尚未誅矣當以此傳為正在十一年

曹參傳攻秦監公軍注晉灼曰按高紀名平也○臣召

南按監泗水郡御史名平不特高紀可証夏侯嬰傳
從攻胡陵嬰與蕭何降泗水監平平以胡陵降即此
監公也

北擊司馬欣軍碭東○臣召南按司馬欣史記作司馬

尼是也高紀作司馬尼樊噲傳與司馬尼戰碭東即
此人尼尼二字相似未知孰正但必非長史司馬欣
耳

守景陵二十三日○史記作二十日

告舍人趣治行注師古曰舍人猶家人也○胡三省曰
据戰國策蘇秦使舍人資送張儀入秦李斯為呂不
韋舍人謂為私屬官可也以為主家事則拘矣

講若畫一○講史記作顓徐廣曰顓音古項反一音較
至今八侯○劉攽曰八侯字疑衍○臣召南按參傳子

窋窋子奇奇子時時子襄襄子宗參元孫本始本始
子宏宏子曠即功臣表所謂今見者也八侯似非衍

文

前漢書卷三十九考證

謹案卷三十七第三頁後五行持權屬請人刊本
屬字下行以字据毛本刪

卷三十九第一頁後三行餘說太泥刊本泥訛汎
今改

第十頁後七行嶢音堯刊本堯訛堯今改



總校官庶吉士 臣張能照

校對官檢討 臣王福清

謄錄舉人 臣勵守訓

欽定四庫全書薈要

史部

前漢書卷四十



詳校官主事銜臣徐以坤

欽定四庫全書薈要卷三千七百六十三

史部

前漢書卷四十

漢 蘭 臺 令 史班 固撰

唐正議大夫行秘書少監琅邪縣開國子顏師古注


張陳王周傳第十

張良字子房其先韓人也大父開地應劭曰大父祖父開地名也相

韓昭侯宣惠王襄哀王父平相釐王師古曰釐讀曰僖悼惠王

悼惠王二十三年平卒卒二十歲秦滅韓良少未宦事

韓○宋祁曰宦韓破良家僮三百人弟死不葬悉以家

財求客刺秦王為韓報仇以五世相韓故師古曰從昭侯至悼惠王

凡五君良嘗學禮淮陽東見倉海君晉灼曰海神也如淳曰東夷君長也師古

曰二說並非蓋當時賢者之號也良既見之因而求得力士為鐵椎重百二

十斤秦皇帝東游至博狼沙中服虔曰河南陽武南地名也今有亭師古曰狼

浪音良與客狙擊秦皇帝師古曰狙謂密伺之誤中副車

師古曰副謂後來也秦皇帝大怒大索天下師古曰索搜也求賊

急甚良乃更名姓亡匿下邳師古曰更改也良嘗閒從容步游

下邳圯上

服虔曰圯音頤楚人謂橋曰圯應劭曰圯水之上也文穎曰沂水上橋也師古曰下邳之

水非圯水也又非沂水服說是也○臣佖曰按從水乃詩云江有圯及今有圯水縣字音詳里反據許慎說文

云東楚謂橋為圯在土部本從土傳寫蓋誤從圯合從土作頤音與下文直墮其履圯下並作圯字校定劉敞

曰予謂若本實作圯則應劭無緣解作圯上疑圯亦自為頤音而釋為橋也譬如瞻辭作澹辭矣然則圯字從

水亦未為誤而校定亦未宜從土也宋祁曰舊本圯從水張佖改作土謂從水者是江有圯之圯音詳里反余

謂佖說非也近胡旦作圯橋贊字從水旦碩儒也予嘗問之旦曰圯音頤何所疑憚說文從圯蓋本字原後人

從水未容無義佖改從土奈應注為圯水之圯又何以辨應之誤耶用此尤見張佖之率爾也有一老

父衣褐至良所

師古曰褐制若裘今道士所服者是○宋祁曰褐制若喪服

直墮其

履圯下

師古曰直猶故也一曰正也

顧謂良曰孺子下取履良愕然

欲歐之

師古曰愕驚貌也歐擊也音一口反

為其老廼彊忍下取履因跪

進父以足受之笑去

宋祁云浙本作笑而去

良殊大驚父去里所

復還

師古曰行一里許而還來

曰孺子可教矣後五日平明與我期

此良因怪跪曰諾

宋祁云浙本怪字下有之字

五日平

明良往父已先在怒曰與老人期後何也去後五日蚤

會

師古曰放良令去戒以後會也其下亦同蚤音早○宋祁曰注文蚤音早當作蚤古早字

五日雞

鳴往父又先在復怒曰後何也去後五日復蚤來五日

良夜半往有頃父亦來喜曰當如是出一編書

師古曰編謂聯

次之也聯簡牘以為書故云一編編音鞭

曰讀是則為王者師後十年興十

三年孺子見我濟北穀城山下黃石即我已

師古曰已語終之辭

遂去不見旦日視其書廼太公兵法良因異之常習誦

○宋祁云一本誦下有讀字

居下邳為任俠項伯嘗殺人從良匿後

十年陳涉等起良亦聚少年百餘人景駒自立為楚假

王在留

○宋祁云浙本作在陳留

良欲往從之行道遇沛公沛公將

數千人略地下邳遂屬焉沛公拜良為廐將

服虔曰官名也

良

數以太公兵法說沛公沛公喜常用其策良為它人言

皆不省

師古曰省視也

良曰沛公殆天授

師古曰殆近也

故遂從不去

沛公之薛見項梁共立楚懷王良乃說項梁曰君已立

楚後韓諸公子橫陽君成賢

○宋祁云浙本韓字上有而字

可立為王

益樹黨

師古曰廣立六國之後共攻秦也

項梁使良求韓成立為韓王

以良為韓司徒與韓王將千餘人西略韓地得數城秦

輒復取之往來為游兵潁川沛公之從雒陽南出轅轅

良引兵從沛公下韓十餘城擊楊熊軍沛公廼令韓王

成留守陽翟與良俱南攻下宛西入武關沛公欲以二

萬人擊秦嶢關下軍

師古曰嶢音堯

良曰秦兵尚彊未可輕臣

聞其將屠者子賈豎易動以利

師古曰商賈之人志無遠大譬猶僮豎故云賈

豎

願沛公且留壁使人先行為五萬人具食益張旗幟

諸山上為疑兵

師古曰皆所以表已軍之多誇示敵人幟音式志反

令酈食其持

重寶啗秦將

師古曰啗音徒濫反解在高紀

秦將果欲連和俱西襲咸

陽

師古曰欲與漢王和而隨漢兵襲咸陽○宋祁云浙本襲字上有共字

沛公欲聽之良

曰此獨其將欲叛士卒恐不從不從必危不如因其解

擊之

師古曰解讀曰懈

沛公廼引兵擊秦軍大破之逐北至藍

田再戰秦兵竟敗遂至咸陽秦王子嬰降沛公沛公入

秦宮室帷帳狗馬重寶婦女以千數意欲留居之樊噲

諫沛公不聽良曰夫秦為無道故沛公得至此為天下

除殘去賊宜縞素為資

晉灼曰資質也欲令沛公反秦奢秦服儉素以為資師古曰縞

白素也音工老反○宋祁曰注文資字舊本作質

今始入秦即安其樂此所謂

助桀為虐且忠言逆耳利於行毒藥苦口利於病

○宋祁曰

逆耳苦口疑作逆於耳苦於口

願沛公聽樊噲言沛公廼還軍霸上頂

羽至鴻門欲擊沛公項伯夜馳至沛公軍私見良欲與俱去良曰臣為韓王送沛公今事有急亡去不義廼具

語沛公沛公大驚曰為之奈何良曰沛公誠欲背項王

邪沛公曰鯁生說我距關毋內諸侯

服虔曰鯁音七垢反鯁小人也臣瓚

曰楚漢春秋鯁姓師古曰服說是也音才垢反

秦地可王也故聽之良曰沛公

自度能卻項王乎

師古曰卻音立略反

沛公默然曰今為奈何良

因要項伯見沛公沛公與伯飲為壽結婚令伯具言沛公不敢背項王所以距關者備它盜也項羽後解語在

羽傳漢元年沛公為漢王王巴蜀賜良金百溢

服虔曰二十兩

曰溢師古曰秦以溢名金若漢之論斤也

珠二斗良具以獻項伯漢王亦因

令良厚遺項伯使請漢中地

服虔曰本不盡與漢中故請求之

項王許

之漢王之國良送至褒中遣良歸韓良因說漢王燒絕

棧道

師古曰棧道師古曰棧道閣道也

示天下無還心以固項王意廼使良還

行燒絕棧道

師古曰還謂歸還韓且行且燒所過之處皆燒之也

良歸至韓聞項

羽以良從漢王故不遣韓王成之國與俱東至彭城殺

之時漢王還定三秦良乃遺項羽書曰漢王失職欲得

關中如約即止不敢東

○宋祁曰敢字下疑有復字

又以齊反書遺

羽曰齊與趙欲并滅楚項羽以故北擊齊良廼間行歸

漢漢王以良為成信侯從東擊楚至彭城漢王兵敗而

還至下邑

師古曰梁地之縣也今屬宋州

漢王下馬踞鞍而問曰吾欲

捐關已東等棄之誰可與共功者

師古曰捐關以東謂不自有其地將以與

人令其立功共破楚也

良曰九江王布楚梟將

師古曰梟謂最勇健也

與項

王有隙彭越與齊王反梁地此兩人可急使而漢王之

將獨韓信可屬大事當一面

師古曰屬委也音之欲反

即欲捐之捐

之此三人楚可破也漢王乃遣隨何說九江王布而使

人連彭越

師古曰與相連結也

及魏王豹反使韓信特將北擊之

師古曰特獨也專任之使將也

因舉燕伐齊趙然卒破楚者此三人力

也良多病未嘗特將兵

○宋祁云舊本云持兵將

常為畫策臣時時

從漢三年項羽急圍漢王於滎陽漢王憂恐與酈食其

謀撓楚權

師古曰撓弱也音女教反其字從木

酈生曰昔湯伐桀封其後

杞武王誅紂封其後宋今秦無德

○宋祁云浙本德字作道

伐滅六

國無立錐之地陛下誠復立六國後此皆爭戴陛下德

義願為臣妾德義已行南面稱伯楚必歛衽而朝

師古曰衽

衣襟也

漢王曰善趣刻印先生因行佩之

師古曰趣讀曰促佩謂授與六

國使帶也

酈生未行良從外來謁漢王漢王方食曰客有為

我計撓楚權者具以酈生計告良曰於子房何如良曰

誰為陛下畫此計者陛下事去矣漢王曰何哉良曰臣

請借前箸以籌之

張晏曰求借所食之箸用指畫也或曰前世湯武箸明之事以籌度今時

之不若也師古曰或說非也箸音直庶反

昔湯武伐桀紂封其後者度能制

其死命也

師古曰度音大各反

今陛下能制項籍死命乎其不可

一矣武王入殷表商容閭

師古曰商容殷賢人也里門曰閭表謂顯異之

式箕

子門

師古曰式亦表也一說至其門而撫車式所以敬之

封比干墓今陛下能乎

其不可二矣發鉅橋之粟

服虔曰鉅橋倉名也師古曰許慎云鉅鹿之大橋有漕粟

也

散鹿臺之財

臣瓚曰鹿臺臺名今在朝歌城中師古曰劉向云鹿臺大三里高千尺也

賜貧窮今陛下能乎其不可三矣殷事以畢偃革為軒

蘇林曰革者兵車革輅軒者朱軒也如淳曰偃武備而治禮樂也

倒載干戈示不復用

○宋祁曰載作戴

今陛下能乎其不可四矣休馬華山之陽示

無所為今陛下能乎其不可五矣息牛桃林之壑

晉灼曰在

弘農閬鄉南谷中師古曰山海經云夸父之山北有林
焉名曰桃林廣圍三百里即謂此也其山谷今在閬鄉
縣東南湖城縣西南
去湖城三十五里
天下不復輸積○宋祁云浙本
今

陛下能乎其不可六矣且夫天下游士離親戚棄墳墓

師古曰離者言其乖避而委離之以從漢也○宋祁曰
離親戚浙本離作左左者言其乖避而委離之若只作
離字則不
須用注也
去故舊從陛下者但日夜望咫尺之地今乃

立六國後唯無復立者
師古曰既立六國後土地皆盡
無以封功勞之人故云無復立

者唯發
語之辭
游士各歸事其主從親戚反故舊陛下誰與取

天下乎其不可七矣且楚唯毋彊六國復撓而從之
度服

曰唯當使楚無彊彊則六國弱而從之晉灼曰當今唯楚大無有彊之者若復立六國皆撓而從之陛下焉得而臣之乎師古曰服說是也陛下焉得而臣之其不可八矣誠用此

謀陛下事去矣漢王輟食吐哺罵曰豎儒幾敗廼公事

師古曰輟止也哺食在口中者也幾近也哺音捕幾音鉅依反令趣銷印師古曰趣後

韓信破齊欲自立為齊王○宋祁曰齊王上疑有假字漢王怒良說

漢王漢王使良授齊王信印語在信傳五年冬漢王追

楚至陽夏南師古曰夏音工雅反戰不利壁固陵諸侯期不至良

說漢王漢王用其計諸侯皆至語在高紀漢六年封功

臣良未嘗有戰鬪功高帝曰運籌策帷幄中決勝千里

外子房功也自擇齊三萬戶良曰始臣起下邳與上會

留此天以臣授陛下陛下用臣計幸而時中臣願封留

足矣不敢當三萬戶廼封良為留侯與蕭何等俱封宋

祁云浙本
封作拜

上已封大功臣二十餘人

○宋祁云浙
本無上字

其餘

日夜爭功而不決

○宋祁云浙
本無而字

未得行封上居雒陽南

宮從復道望見諸將

師古曰復
讀曰復

往往數人偶語上曰此

何語良曰陛下不知乎此謀反耳上曰天下屬安定何

故而反

師古曰屬近也言近始安屬音之欲反

良曰陛下起布衣與此屬

取天下今陛下已為天子而所封皆蕭曹故人所親愛

而所誅者皆平生仇怨今軍吏計功天下不足以徧封

此屬畏陛下不能盡封又恐見疑過失及誅故相聚而

謀反耳上廼憂曰為將奈何良曰上平生所憎羣臣所

共知誰最甚者上曰雍齒與我有故怨數窘辱我

服虔曰未

起之時與我有故怨也師古曰每以勇力困辱高祖

我欲殺之為功多不忍良曰

今急先封雍齒以示羣臣羣臣見雍齒先封則人人自

堅矣於是上置酒封雍齒為什方侯

蘇林曰漢中縣也師古曰地理志屬

廣漢非漢中也今則屬益州什音十

而急趣丞相御史定功行封

師古曰趣音促

羣臣罷酒皆喜曰雍齒且侯我屬無患矣劉敬說上都

關中上疑之左右大臣皆山東人多勸上都雒陽雒陽

東有成臯西有殽

師古曰殽山也黿池也音涸○宋祁曰注文當作殽殽山也黿黿池

也背河鄉雒其固亦足恃

師古曰鄉讀曰嚮

良曰雒陽雖有此

固其中小不過數百里田地薄四面受敵此非用武之

國夫關中左殽函右隴蜀沃野千里

師古曰沃者溉灌也言其土地皆有

溉灌之利

南有巴蜀之饒北有胡苑之利

師古曰謂安定北地上郡

之北與胡相接之地可以畜牧者也養禽獸謂之苑

阻三面而固守獨以一面東

制諸侯諸侯安定河渭漕輓天下西給京師

師古曰輓引也輓音

晚

諸侯有變順流而下足以委輸此所謂金城千里天

府之國

師古曰財物所聚謂之府言關中之地物產饒多可備贍給故稱天府也

劉敬說是

也於是上即日駕西都關中良從入關性多疾即道引

不食穀

孟康曰服辟穀藥而靜居行氣道讀曰導

閉門不出歲餘上欲廢太

子立戚夫人子趙王如意大臣多爭未能得堅決也呂

后恐不知所為或謂吕后曰留侯善畫計上信用之吕

后乃使建成侯吕澤劫良曰君常為上謀臣今上日欲

易太子

師古曰言日欲易之

君安得高枕而臥

師古曰安馬也

良曰始

上數在急困之中幸用臣策今天下安定以愛欲易太

子骨肉之間雖臣等百人何益吕澤彊要曰為我畫計

良曰此難以口舌爭也顧上有所不能致者四人

師古曰顧

念也四人謂園公綺里季夏黃公用里先生所謂商山四皓也

四人年老矣皆以上嫚

侮士

師古曰嫚與慢同侮古侮字

故逃匿山中義不為漢臣然上高

此四人今公誠能毋愛金玉璧帛令太子為書卑辭安

車因使辨士固請宜來

師古曰宜應得其來

來以為客時從入朝

令上見之則一助也於是吕后令吕澤使人奉太子書

卑辭厚禮迎此四人四人至客建成侯所漢十一年黥

布反上疾欲使太子往擊之四人相謂曰凡來者將以

存太子太子將兵事危矣廼說建成侯曰太子將兵有

功即位不益

師古曰太子嗣君貴已極矣雖更立功位無加益矣

無功則從此受

禍且太子所與俱諸將皆與上定天下梟將也今廼使

太子將之此無異使羊將狼皆不肯為用其無功必矣

臣聞母愛者子抱今戚夫人日夜侍御趙王常居前上

曰終不使不肖子居愛子上

○劉歆曰曰字後人妄加

明其代太子

位必矣君何不急請呂后承閒為上泣

師古曰因空隙之時

言黥

布天下猛將善用兵今諸將皆陛下故等夷

師古曰夷平也言故

時皆齊等

廼令太子將此屬莫肯為用且布聞之鼓行而西

耳

師古曰擊鼓而行言無所畏

上雖疾彊載輜車卧而護之

師古曰輜車衣

車也護謂監領諸將

諸將不敢不盡力上雖苦彊為妻子計於是

呂澤夜見呂后

○宋祁云浙本夜字上有立字

呂后承閒為上泣而言

如四人意上曰吾惟之豎子固不足遣

師古曰惟思也

廼公自

行耳

師古曰廼公汝父也

於是上自將而東羣臣居守皆送至霸

上良疾彊起至曲郵

師古曰在新豐西今俗謂之郵頭

見上曰臣宜從

疾甚楚人剽疾願上慎毋與楚爭鋒

師古曰剽音匹妙反

因說上

令太子為將軍監關中兵上謂子房雖疾彊卧傅太子

是時叔孫通已為太傅良行少傅事漢十二年上從破

布歸疾益甚愈欲易太子良諫不聽因疾不視事叔孫

太傅稱說引古以死爭太子上陽許之猶欲易之及宴

置酒太子侍四人者從太子年皆八十有餘須眉皓白

衣冠甚偉

師古曰所以謂之四皓

上怪問曰何為者四人前對各

言其姓名上廼驚曰吾求公避逃我今公何自從吾兒

游乎四人曰陛下輕士善罵臣等義不辱故恐而亡匿

今聞太子仁孝恭敬愛士天下莫不延頸願為太子死

者故臣等來上曰煩公幸卒調護太子

師古曰調謂和平之護謂保安

之四人為壽已畢趨去上目送之

師古曰以目瞻之訖其出也

召戚

夫人指視曰

師古曰視讀曰示

我欲易之彼四人為之輔羽翼

已成難動矣呂氏真廼主矣

師古曰廼汝也

戚夫人泣涕上曰

為我楚舞吾為若楚歌

師古曰若亦汝也

歌曰鴻鵠高飛一舉

千里

師古曰鵠音胡督反

羽翼以就橫絕四海

師古曰就成也絕謂飛而直度也

橫絕四海又可奈何雖有矰繳尚安所施

師古曰繳弋射也其矢為

矰矰音增繳音之若反

歌數闋

師古曰闋盡也曲終為闋音口穴反

戚夫人歔歔流

涕

師古曰歔音虛歔音稀又音許氣反

上起去罷酒竟不易太子者良本

招此四人之力也良從上擊代出奇計下馬邑及立蕭

相國

服虔曰何時未為相國良勸高祖立之

所與從容言天下事甚衆

古師

曰從音千容反○宋祁曰浙本所與字下有上字

非天下所以存亡故不著

古師

曰著謂書之於史著音竹助反

良廼稱曰家世相韓及韓滅不愛萬金

之資為韓報仇彊秦天下震動今以三寸舌為帝者師

封萬戶位列侯此布衣之極於良足矣願棄人間事欲

從赤松子游耳

師古曰赤松子仙人號也神農時為雨師服水土教神農能入火自燒至昆山

上常止西王母石室隨風雨上下炎帝少女追之亦得仙俱去

廼學道欲輕舉

師古曰道謂仙

道高帝崩呂后德良廼彊食之

師古曰食讀曰飮

曰人生一世

間如白駒之過隙

師古曰解在魏豹傳

何自苦如此良不得已彊

聽食後六歲薨諡曰文成侯良始所見下邳圯上老父

與書者

○宋祁云浙本圯作汜

後十三歲從高帝過濟北果得穀

城山下黃石取而寶祠之及良死并葬黃石每上冢伏

臘祠黃石子不疑嗣侯孝文三年坐不敬國除

陳平陽武戶牖鄉人也

師古曰陽武縣名屬陳留戶牖者其鄉名

少時家貧

好讀書治黃帝老子之術有田三十畝與兄伯居伯常

耕田縱平使游學平為人長大美色人或謂平貧何食

而肥若是其嫂疾平之不親家生產曰亦食糠覈耳

孟康

曰覈麥糠中不破者也晉灼曰覈音紇京師人謂麤屑為紇頭

有叔如此不如無有伯

聞之逐其婦棄之及平長可取婦富人莫與者

○宋祁云浙本

作莫肯與貧者平亦媿之久之戶牖富人張負有女孫五嫁

夫輒死人莫敢取平欲得之邑中有大喪平家貧侍喪

以先往後罷為助張負既見之喪所獨視偉平

師古曰視而悅

其奇偉

平亦以故後去負隨平至其家家廼負郭窮巷

師古

曰負謂借也

以席為門然門外多長者車轍張負歸謂其子

仲曰吾欲以女孫子陳平

○宋祁云越本無孫予二字劉放曰吾欲以女陳平女下

疑少一與字

仲曰平貧不事事

師古曰不事產業之事

一縣中盡笑其

所為獨奈何予之女負曰固有美如陳平長貧者乎卒

與女為平貧廼假貨幣以聘

師古曰貸音土戴反

予酒肉之資以

內婦負戒其孫曰毋以貧故事人不謹事兄伯如事廼

父事嫂如事廼母

師古曰廼汝也

平既取張氏女資用益饒游

道曰廣里中社平為宰

師古曰主切割肉也

分肉甚均里父老曰

善陳孺子之為宰平曰嗟乎使平得宰天下亦如此肉

矣陳涉起王使周市略地立魏咎為魏王與秦軍相攻

於臨濟平已前謝兄伯

服虔曰謝語其兄伯往事魏也

從少年往事魏

王咎為太僕說魏王王不聽人或讒之平亡去項羽略

地至河上平往歸之從入破秦賜爵卿

張晏曰禮秩項如卿不治事項

羽之東王彭城也漢王還定三秦而東殷王反楚項羽

廼以平為信武君將魏王客在楚者往擊殷降而還項

王使項悍拜平為都尉

師古曰悍音下旦反

賜金二十溢居無何

師古曰無何猶言無幾時

漢攻下殷項王怒將誅定殷者平懼誅廼

封其金與印使使歸項王而平身閒行杖劍亡度河船

人見其美丈夫獨行疑其亡將要下當有寶器金玉目

之欲殺平平心恐乃解衣羸而佐刺船

師古曰自露其形示無所懷挾

船人知其無有廼止平遂至脩武降漢因魏無知求見

漢王漢王召入是時萬石君石奮為中涓受平謁平等

十人俱進賜食王曰罷就舍矣平曰臣為事來所言不

可以過今日於是漢王與語而說之

師古曰說讀曰悅

問曰子

居楚何官平曰為都尉是日拜平為都尉使參乘典護

軍諸將盡謹

師古曰謹蹶而議也○宋祁曰一本作譁注云譁蹶而議

曰大王一日

得楚之亡卒未知高下而即與共載使監護長者漢王

聞之愈益幸平遂與東伐項王至彭城為楚所敗引師

而還收散兵至滎陽以平為亞將屬韓王信軍廣武絳

灌等或讒平曰

師古曰舊說云絳絳侯周勃也灌灌嬰也而楚漢春秋高祖之臣別有絳灌疑

昧之文不可據也

平雖美丈夫如冠玉耳其中未必有也

孟康曰飾

冠以玉光好外見中非所有也

聞平居家時盜其嫂

師古曰盜猶私也

事魏王

不容亡而歸楚歸楚不中又亡歸漢

師古曰中音竹仲反

今大王

尊官之令護軍臣聞平使諸將金多者得善處金少者得惡處平反覆亂臣也願王察之漢王疑之以讓無知問曰有之乎無知曰有漢王曰公言其賢人何也對曰臣之所言者能也陛下所問者行也今有尾生孝已之行

如淳曰孝已高宗之子有孝行師古曰尾生古之信士一說即微生高

而無益於勝敗

之數陛下何暇用之乎今楚漢相距臣進奇謀之士顧其計誠足以利國家耳

師古曰顧念也

盜嫂受金又安足疑乎

漢王召平而問曰吾聞先生事魏不遂事楚而去

師古曰遂

猶竟○宋祁曰注末當有也字今又從吾遊信者固多心乎平曰臣事

魏王魏王不能用臣說故去事項王項王不信人其所
任愛非諸項即妻之昆弟雖有奇士不能用臣居楚聞
漢王之能用人故歸大王嬴身來不受金無以為資誠
臣計畫有可采者願大王用之使無可用者大王所賜
金具在請封輸官得請骸骨漢王乃謝厚賜拜以為護
軍中尉盡護諸將諸將廼不敢復言其後楚急擊絕漢
甬道圍漢王於滎陽城漢王患之請割滎陽以西和項

王弗聽漢王謂平曰天下紛紛何時定乎平曰項王為

人恭敬愛人士之廉節好禮者多歸之至於行功賞爵

邑重之

師古曰言愛惜之

士亦以此不附今大王嫚而少禮士

之廉節者不來然大王能饒人以爵邑士之頑頓者利

無恥者亦多歸漢

如淳曰頑頓謂無廉隅也師古曰頓讀曰鈍者讀曰嗜

誠各去

兩短集兩長天下指麾即定矣然大王資侮人

師古曰資謂大

性也侮古侮字

不能得廉節之士顧楚有可亂者

師古曰顧念也

彼項

王骨體之臣亞父鍾離昧龍且周殷之屬

師古曰昧音秣且音子閭

反不過數人耳大王能出捐數萬斤金行反間問其君

臣以疑其心

師古曰間音居覓反

項王為人意思信讒必內相誅

漢因舉兵而攻之破楚必矣漢王以為然乃出黃金四

萬斤子平恣所為不問出入平既多以金縱反間於楚

軍宣言諸將鍾離昧等為項王將功多矣然終不得列

地而王欲與漢為一以滅項氏分王其地項王果疑之

使使至漢漢為太牢之具舉進

師古曰舉鼎俎而來

見楚使即陽

驚曰以為亞父使廼項王使也復持去以惡草具進楚

使

服虔曰去肴肉更以惡草之具

使歸具以報項王果

○宋祁云浙本作菜草之具

大疑亞父

○宋祁云浙本果字上復有項王二字

亞父欲急擊下滎陽城

項王不信不肯聽亞父亞父聞項王疑之廼大怒曰天

下事大定矣君王自為之願乞骸骨歸

○宋祁曰乞當作賜

歸未

至彭城疽發背而死

師古曰疽癰瘡也音千余反

平廼夜出女子二

千人滎陽東門楚因擊之平廼與漢王從城西門出去

○宋祁曰出去當作夜出

遂入關收聚兵而復東明年淮陰侯信破

齊自立為假齊王使使之漢王漢王怒而罵平躡漢

王

孟康曰躡謂躡漢王足

漢王寤廼厚遇齊使使張良往立信為

齊王於是封平以戶牖鄉用其計策卒滅楚漢六年人

有上書告楚王韓信反高帝問諸將諸將曰亟發兵阬

豎子耳

師古曰亟急也音居力反

高帝默然以問平平固辭謝曰

宋

祁曰一本固作固然作固為長諸將云何上具告之平曰人之上書言

信反人有聞知者乎曰未有曰信知之乎曰弗知平曰

陛下兵精孰與楚

師古曰與如也

上曰不能過也平曰陛下將

用兵有能敵韓信者乎上曰莫及也平曰今兵不如楚

精將弗及而舉兵擊之是趣之戰也

師古曰趣讀曰促

竊為陛

下危之上曰為之奈何平曰古者天子巡狩會諸侯南

方有雲夢

師古曰楚澤名夢音莫風反又讀如本字

陛下第出偽游雲夢

師古

曰第但也語聲急也它皆類此

會諸侯於陳陳楚之西界信聞天子以

好出游其勢必郊迎謁

師古曰出其郊遠迎謁也

而陛下因禽之特

一力士之事耳

○宋祁云浙本特字上有此字

高帝以為然廼發使告

諸侯會陳吾將南游雲夢上因隨以行行至陳楚王信

果郊迎道中高帝豫具武士見信即執縛之語在信傳

遂會諸侯於陳還至雒陽與功臣剖符定封封平為戶

牖侯世世勿絕平辭曰此非臣之功也上曰吾用先生

計謀戰勝克敵非功而何平曰非魏無知臣安得進上

曰若子可謂不背本矣師古曰若如也迺復賞魏無知其明年

平從擊韓王信於代至平城為匈奴圍七日○宋祁曰圍字上疑

有所不得食高帝用平奇計使單于闕氏解圍以得開

師古曰闕氏音馬支高帝既出其計秘世莫得聞高帝南過曲逆

孟康曰中山蒲陰縣上其城望室屋甚大曰壯哉縣吾行天下獨

見雒陽與是耳顧問御史曲逆戶口幾何對曰始秦時

三萬餘戶間者兵數起多亡匿今見五千餘戶於是詔

御史更封平為曲逆侯

○宋祁曰曲逆漢書元無音文選載陸士衡高祖功臣頌曲

逆宏達好謀能斷注曲區句反逆音遇

盡食之除前所食戶牖平自初從

至天下定後常以護軍中尉從擊臧荼陳豨黥布凡六

出奇計輒益邑封奇計或頗祕世莫得聞也高帝從擊

布軍還病創徐行至長安燕王盧綰反上使樊噲以相

國將兵擊之既行人有短惡噲者

師古曰陳其短失過惡於上謂譖毀之也

此皆類

高帝怒曰噲見吾病廼幾我死也

孟康曰幾幸我死也幾音冀

用平計召絳侯周勃受詔牀下曰陳平乘馳傳載勃代

噲將

師古曰傳音張戀反○宋祁云景祐本無陳字校添

平至軍中即斬噲頭二

人既受詔馳傳未至軍行計曰樊噲帝之故人功多

師古

曰行計謂於道中且計也○宋

祁曰注文道中字下當有行字

又吕后女弟吕須夫有

親且貴帝以忿怒故欲斬之即恐後悔寧囚而致上令

上自誅之未至軍為壇以節召樊噲噲受詔即反接

師古

曰反縛

載檻車詣長安而令周勃代將兵定燕平行聞

高帝崩

師古曰未至京師於道中聞高帝崩

平恐吕后及吕頹怒廼馳傳

先去逢使者詔平與灌嬰屯於滎陽平受詔立復馳至

宮哭殊悲因奏事喪前吕后哀之曰君出休矣平畏讒

之就

師古曰就成也言畏讒毒已者得其成計

因固請之得宿衛中

○宋祁曰之字

刪何太后廼以為郎中令日傳教帝

如淳曰傳相之

是後吕頹讒

廼不得行樊噲至即赦復爵邑惠帝六年相國曹參薨

安國侯王陵為右丞相平為左丞相

王陵沛人也始為縣豪高祖微時兄事陵及高祖起沛

入咸陽陵亦聚黨數千人居南陽不肯從沛公及漢王之還擊項籍陵廼以兵屬漢項羽取陵母置軍中陵使至則東鄉坐陵母欲以招陵

師古曰鄉讀曰嚮

陵母既私送使

者泣曰願為老妾語陵善事漢王漢王長者毋以老妾故持二心妾以死送使者遂伏劍而死項王怒亨陵母陵卒從漢王定天下以善雍齒雍齒高祖之仇陵又本無從漢之意以故後封陵為安國侯陵為人少文任氣好直言為右丞相二歲惠帝崩高后欲立諸呂為王問

陵陵曰高皇帝刑白馬而盟曰非劉氏而王者天下共

擊之今王呂氏非約也太后不說

師古曰說讀曰悅

問左丞相

平及絳侯周勃等皆曰高帝定天下王子弟今太后稱

制欲王昆弟諸呂無所不可太后喜罷朝陵讓平勃曰

始與高帝啜血而盟諸君不在邪

師古曰啜小飲也音所甲反○宋祁云浙

本無而字

今高帝崩太后女主欲王呂氏諸君縱欲阿意背

約何面目見高帝於地下乎平曰於面折廷爭臣不如

君

師古曰廷爭謂當朝廷而諫爭

全社稷安劉氏後君亦不如臣陵無

以應之於是呂太后欲廢陵廼陽遷陵為帝太傅實奪

之相權陵怒謝病免杜門竟不朝請

師古曰杜塞也閉塞其門也請音才

性反杜字本作蔽音同

十年而薨陵之免呂太后徙平為右丞相

以辟陽侯審食其為左丞相

師古曰食其音異基

食其亦沛人也

漢王之敗彭城西楚取太上皇呂后為質食其以舍人

侍呂后其後從破項籍為侯幸於呂太后及為相不治

鄭氏曰不立治處使止宮中也李奇曰不治丞相職事也師古曰李說是也

監宮中如郎中

令公卿百官皆因決事呂須常以平前為高帝謀執樊

噲數讒平曰為丞相不治事日飲醇酒戲婦人平聞日

益甚呂太后聞之私喜面質呂頹於平前師古曰質對也曰鄙

語曰兒婦人口不可用顧君與我何如耳無畏呂頹之

譖師古曰顧念也呂太后多立諸呂為王平偽聽之師古曰謂且順從之

不乖悟也及呂太后崩平與太尉勃合謀卒誅諸呂立文帝

平本謀也審食其免相文帝立舉以為相如淳曰舉猶皆也衆人之

議皆以為勃平功多矣師古曰言文帝以平勃俱舊臣有功皆欲以為相太尉勃親以兵誅

呂氏功多平欲讓勃位廼謝病文帝初立怪平病問之

平曰高帝時

○宋祁曰別本帝上有皇字

勃功不如臣及誅諸呂臣

功亦不如勃願以相讓勃於是廼以太尉勃為右丞相

位第一平徙為左丞相位第二賜平金千斤益封三千

戶居頃之上益明習國家事朝而問右丞相勃曰天下

一歲決獄幾何

師古曰臨朝問也幾音居豈反

勃謝不知問天下錢穀

一歲出入幾何勃又謝不知汗出浹背

師古曰浹霑也

媿不能

對上亦問左丞相平平曰各有主者

○宋祁曰越本無各字

上曰

主者為誰乎平曰陛下即問決獄責廷尉問錢穀責治

粟內史上曰苟各有主者而君所主何事也平謝曰主

臣

文穎曰惶恐之辭也猶今言死罪也孟康曰主臣主羣臣也若今言人主晉灼曰主擊也臣服也言其擊

服惶恐之辭師古陛下不知其駑下使待罪宰相師古

曰文晉二說是也

凡馬之稱非駿者也故以自喻駑音奴宰相者上佐天子理陰陽順四時

下遂萬物之宜

師古曰遂申也

外填撫四夷諸侯內親附百姓

使卿大夫各得任其職也上稱善勃大慙出而讓平曰

君獨不素教我乎平笑曰君居其位獨不知其任邪且

陛下即問長安盜賊數又欲彊對邪

○劉敞曰盜賊數亦自有主者謂不

當問細故也

於是絳侯自知其能弗如平遠矣居頃之勃謝

病請免相

○宋祁曰越本無病請二字

而平顯為丞相

師古曰顯與專同

孝

文二年平薨諡曰獻侯傳子至曾孫何坐略人妻棄市

王陵亦至玄孫坐酎金國除辟陽侯食其免後三歲而

為淮南王所殺文帝令其子平嗣侯溜川王反辟陽近

溜川平降之國除始平曰我多陰謀道家之所禁

師古曰此

平謂陳平

吾世即廢亦已矣不能復起以吾多陰禍也

○宋祁曰

不能字上疑有終字

其後曾孫陳掌以衛氏親戚貴

師古曰掌妻衛子夫之姊

願得續封之

○宋祁曰浙本無之字

然終不得也

○宋祁曰得一作行

周勃沛人也其先卷人也

師古曰卷縣名也地理志屬河南音丘權反其下亦同○

宋祁曰沛人也也字可刪

徙沛勃以織薄曲為生

蘇林曰薄一名曲月令曰具曲植師

古曰許慎云葦薄為曲也

常以吹簫給喪事

師古曰吹簫以樂喪賓若樂人也

材官

引強

服虔曰能引強弓弩官也孟康曰如今挽強司馬也師古曰強音其兩反

高祖為沛公

初起勃以中涓從攻胡陵下方與

師古曰音房豫

方與反與戰

卻敵攻豐擊秦軍碭東還軍留及蕭復攻碭破之下下

邑先登賜爵五大夫攻蘭虞取之擊章邯車騎殿

師古曰殿

之言填也謂鎮軍後以扞敵勃擊破章邯之殿兵也殿
音丁見反○劉奉世曰殿最多皆功之高下名品也

略定魏地攻轅戚東緡以往至栗

師古曰
緡音昏

取之攻鬻桑

先登擊秦軍阿下破之追至濮陽下斬城攻都關定陶

襲取宛朐得單父令

師古曰
音善甫

夜襲取臨濟攻壽張以前

至卷破李由雍丘下攻開封先至城下為多

文穎曰勃
士卒至者

多也如淳曰周禮戰功曰
多師古曰多謂功多也

後章邯破項梁沛公與項羽

引兵東如碭自初起沛還至碭一歲二月楚懷王封沛

公號武安侯為碭郡長沛公拜勃為襄賁令

師古曰
賁音肥

從

沛公定魏地攻東郡尉於成武破之攻長社先登攻潁

陽緱氏絕河津擊趙賁軍尸北

師古曰賁音奔尸即尸鄉

南攻南陽

守齟破武關峽關攻秦軍於藍田至咸陽滅秦項羽至

以沛公為漢王漢王賜勃爵為威武侯從入漢中拜為

將軍還定三秦賜食邑懷德攻槐里好時最

如淳曰於將率之中

功為最也北擊趙賁內史保於咸陽最北救漆

師古曰漆扶風縣

擊

章平姚卬軍西定汧

師古曰汧亦扶風縣音口肩反

還下郿潁陽

師古曰郿

即岐州郿縣也潁陽在櫟陽東北郿音媚

圍章邯廢丘破之西擊益巴軍破

之

如淳曰章邯將也

攻上邽

師古曰邽音圭

東守峽關擊項籍攻曲遇

最

師古曰曲音丘禹反遇音顓

還守敖倉追籍籍已死因東定楚地

泗水東海郡凡得二十二縣還守雒陽櫟陽賜與潁陰

侯共食鍾離以將軍從高祖擊燕王臧荼破之易下所

將卒當馳道為多

師古曰當高祖所行之前○劉敞曰馳道猶言乘輿耳言勅將卒在馳道

有功也戰功曰多

賜爵列侯剖符世世不絕食絳八千二百八

十戶以將軍從高帝擊韓王信於代降下霍人以前至

武泉

孟康曰縣屬雲中也

擊胡騎破之武泉北轉攻韓信軍銅鞮

破之還降太原六城擊韓信胡騎晉陽下破之下晉陽

後擊韓信軍於滹石

應劭曰滹音沙孟康曰地名也齊恭曰滹音赤坐反師古曰齊音是

也破之追北八十里還攻樓煩三城因擊胡騎平城下

所將卒當馳道為多勃遷為太尉擊陳豨屠馬邑所將

卒斬豨將軍乘馬降

師古曰姓乘馬名降也乘音食孕反

轉擊韓信陳豨

趙利軍於樓煩破之得豨將宋最鴈門守圉

師古曰圉者鴈門守

之名音下頓反

因轉攻得雲中守邀丞相箕肆將軍博

師古曰邀音速

字也肆音弋二反博者亦豨將之名也

定鴈門郡十七縣雲中郡十二縣

因復擊猋靈丘破之斬猋丞相程縱將軍陳武都尉高

肆定代郡九縣燕王盧綰反勃以相國代樊噲將擊下

薊

師古曰即幽州薊縣也音計

得綰大將抵丞相偃守陘

張晏曰盧綰郡守陘

其名也師古曰陘音刑

太尉弱御史大夫施屠渾都

師古曰姓施屠名渾都渾

音胡

破綰軍上蘭後擊綰軍沮陽

服虔曰沮音阻師古曰縣名屬上谷

追

至長城定上谷十二縣右北平十六縣遼東二十九縣

漁陽二十二縣最從高帝得相國一人

師古曰最者凡也總言其攻戰

克獲之數

丞相二人將軍二千石各三人別破軍二下城三

定郡五縣七十九得丞相大將各一人勃為人木彊敦

厚

師古曰木謂質樸彊音其兩反

高帝以為可屬大事

師古曰屬委也音之欲反勃

不好文學每召諸生說事東鄉坐責之

如淳曰勃自東鄉責諸生說事

不以賓主之禮也

趣為我語

蘇林曰音趣舍臣瓚曰令直言勿稱經書也師古曰

二說皆非也趣讀

其椎少文如此

服虔曰謂訥鈍也應劭曰今俗名拙語為

椎語師古曰推謂樸鈍如推也音直推反

勃既定燕而歸高帝已崩矣以列

侯事惠帝惠帝六年置太尉官以勃為太尉十年高后

崩呂祿以趙王為漢上將軍呂產以呂王為相國秉權

欲危劉氏勃與丞相平朱虛侯章共誅諸呂語在高后

紀於是陰謀以為少帝及濟川淮陽恒山王皆非惠帝

子呂太后以計詐名它人子殺其母養之後宮令孝惠

子之立以為後用彊呂氏今已滅諸呂少帝即長用事

吾屬無類矣

師古曰云被誅滅無遺種

不如視諸侯賢者立之遂迎

立代王是為孝文皇帝東牟侯興居朱虛侯章弟也曰

誅諸呂臣無功請得除宮廼與太僕汝陰滕公入宮

○劉

敞曰當云汝陰侯

滕公前謂少帝曰足下非劉氏不當立廼顧

麾左右執戟皆仆兵罷

師古曰仆頓也音赴

有數人不肯去宦者

令張釋諭告亦去

師古曰荆燕吳傳云張澤今此作釋參錯不同未知孰是也

滕公

召乘輿車載少帝出少帝曰欲持我安之乎

師古曰言往何所也

滕公曰就舍少府廼奉天子法駕迎皇帝代邸報曰宮

謹除

○宋祁曰除下當有矣字

皇帝入未央宮有謁者十人持戟衛

端門

師古曰端門殿之正門

曰天子在也足下何為者不得入太

尉往喻廼引兵去皇帝遂入是夜有司分部誅濟川淮

陽常山王及少帝於邸文帝即位以勃為右丞相賜金

五千斤邑萬戶居十餘月人或說勃曰君既誅諸呂立

代王威震天下而君受厚賞處尊位以厭之則禍及身

矣

師古曰厭謂當之也言既有大功又受厚賞而居尊位以久當之不去則禍及矣厭音一涉反又音烏狎

反勃懼亦自危廼謝請歸相印上許之歲餘陳丞相平

卒上復用勃為相

○宋祁曰浙本相字上有丞字

十餘月上曰前日吾

詔列侯就國或頗未能行丞相朕所重其為朕率列侯之國廼免相就國歲餘每河東守尉行縣至絳絳侯勃自畏恐誅常被甲令家人持兵以見其後人有上書告

勃欲反下廷尉逮捕勃治之勃恐不知置辭

師古曰置立也辭對

獄之

吏稍侵辱之勃以千金與獄吏獄吏廼書牘背示

之李奇曰吏所執簿也師古曰牘木簡以書辭也音讀曰以公主為證公主者孝

文帝女也勃太子勝之尚之

師古曰尚配也解在張耳傳

故獄吏教

引為證初勃之益封盡以予薄昭及繫急薄昭為言薄

太后太后亦以為無反事文帝朝太后以冒絮提文帝

應劭曰陌額絮也晉灼曰巴蜀異志謂頭上巾為冒絮師古曰冒覆也老人所以覆其頭提擲也提音徒計反

曰絳侯綰皇帝璽將兵於北軍

應劭曰言勃誅諸呂廢少帝手綰國璽時尚不

反況今更有異乎師古曰綰謂引結其組音烏版反不以此時反今居一小縣顧

欲反邪

師古曰顧猶倒也

文帝既見勃獄辭廼謝曰吏方驗而

出之於是使使持節赦勃復爵邑勃既出曰吾嘗將百

萬軍安知獄吏之貴也

○宋祁曰浙本安知字上有然終字

勃復就國孝

文十一年薨諡曰武侯子勝之嗣尚公主不相中

如淳曰猶

言不相合當也師古曰意不相可也中音竹仲反

坐殺人死國絕一年

○宋祁曰景祐

本一年下有文帝乃擇子賢者河內太守十二字予据後言文帝擇勃子賢者皆推亞夫於文次第方及耳不容先更於此重複見也若更存此則河內太守三處再見班固之筆必不然也今去之弟亞夫復

為侯亞夫為河內守時許負相之

應劭曰許負河內溫人老嫗也

君後

三歲而侯侯八歲為將相持國秉

師古曰秉音彼命反

貴重矣於

人臣無二後九年而餓死亞夫笑曰臣之兄以代父侯

矣有如卒子當代我何說侯乎然既已貴如負言又何

說餓死指視我

師古曰視讀曰示

負指其口曰從理入口此餓

死法也

師古曰從豎也音子容反

居三歲兄絳侯勝之有罪文帝擇

勃子賢者皆推亞夫廼封為條侯

師古曰縣在勃海地理志作脩字其音同

耳○宋祁曰脩當作脩集韻音桃云周亞夫所封

文帝後六年匈奴大入邊以

宗正劉禮為將軍軍霸上祝茲侯徐厲為將軍軍棘門

以河內守亞夫為將軍軍細柳以備胡上自勞軍至霸

上及棘門軍直馳入將以下騎出入送迎已而之細柳

軍軍士吏被甲銳兵刃彀弓弩持滿

師古曰彀張也音邁○劉奉世曰言

彀弓弩是也敵未至何遽持滿何時已乎此二字疑衍

天子先驅至不得入

師古曰先

驅導駕者也若今之武侯隊矣

先驅曰天子且至軍門都尉曰軍中聞

將軍之令不聞天子之詔有項上至又不得入於是上

使使持節詔將軍曰吾欲勞軍亞夫廼傳言開壁門壁

門士請車騎曰將軍約軍中不得驅馳於是天子廼按

轡徐行至中營將軍亞夫揖曰介冑之士不拜請以軍

禮見

應劭曰禮介者不拜

天子為動改容式車

師古曰古者立乘凡言式車者謂俛

身撫式以禮敬人式車前橫木也

使人稱謝

師古曰謝告也

皇帝敬勞將軍成

禮而去既出軍門羣臣皆驚文帝曰嗟乎此真將軍矣

鄉者霸上棘門如兒戲耳

師古曰鄉讀曰嚮

其將固可襲而虜

也至於亞夫可得而犯邪稱善者久之月餘三軍皆罷

廼拜亞夫為中尉文帝且崩時戒太子曰即有緩急周

亞夫真可任將兵文帝崩亞夫為車騎將軍孝景帝三

年吳楚反亞夫以中尉為太尉東擊吳楚因自請上曰

楚兵剽輕難與爭鋒

師古曰剽音匹妙反

願以梁委之絕其食道

乃可制也上許之

師古曰吳王傳云亞夫至淮陽問鄧都尉為畫此計亞夫乃從之今此云

自請而後行二傳不同未知孰是

亞夫既發至霸上趙涉遮說亞夫曰

將軍東誅吳楚勝則宗廟安不勝則天下危能用臣之

言乎亞夫下車禮而問之涉曰吳王素富懷輯死士久

矣

師古曰輯與集同

此知將軍且行必置間人於殽阨阨之

間且兵事上神密將軍何不從此右去走藍田

師古曰右謂少

西去也

出武關抵雒陽

師古曰抵至也

間不過差一二日

師古曰謂

右去行遲止

直入武庫擊鳴鼓諸侯聞之以為將軍從

天而下也

師古曰不意其猝至

太尉如其計至雒陽使吏搜殺黽

間果得吳伏兵廼請涉為護軍亞夫至會兵滎陽

師古曰會

集

吳方攻梁梁急請救亞夫引兵東北走昌邑

師古曰走音奏

深壁而守梁王使使請亞夫亞夫守便宜不往梁上書

言景帝景帝詔使救梁亞夫不奉詔堅壁不出而使輕

騎兵弓高侯等絕吳楚兵後食道吳楚兵乏糧飢欲退
數挑戰終不出夜軍中驚內相攻擊擾亂至於帳下亞

夫堅卧不起

○宋祁曰浙本堅作終

項之復定吳奔壁東南陬

如淳

曰陬隅也師古曰音子侯反又音鄒

亞夫使備西北已而其精兵果奔西

北不得入

○劉奉世曰兩陣相向吳奔東南陬則西北在陣後何由奔之蓋亞夫令備西南陬傳者

但欲見能料敵反其所攻不知遂失實也

吳楚既餓廼引而去亞夫出精兵

追擊大破吳王濞吳王濞棄其軍與壯士數千人亡走

保於江南丹徒漢兵因乘勝遂盡虜之降其縣購吳王

千金月餘越人斬吳王頭以告凡相守攻三月而吳楚

破平於是諸將廼以太尉計謀為是由此梁孝王與亞

夫有隙歸復置太尉官五歲遷為丞相景帝甚重之上

廢栗太子亞夫固爭之不得上由此疏之而梁孝王每

朝常與太后言亞夫之短竇太后曰皇后兄王信可侯

也上讓曰始南皮及章武先帝不侯

師古曰南皮竇彭祖太后弟長君之

子章武太后母弟廣國

及臣即位廼侯之信未得封也竇太后曰

人生各以時行耳

師古曰言富貴當及已身也

竇長君在時竟不得

侯死後廼其子彭祖顧得侯

師古曰顧反也

吾甚恨之帝趣侯

信也

師古曰趣讀曰促

上曰請得與丞相計之

○宋祁曰景本計之字下又有

與丞相計之五字

亞夫曰高帝約非劉氏不得王非有功不得

侯不如約天下共擊之今信雖皇后兄無功侯之非約

也上默然而沮

師古曰沮者止壞之意也音才與反

其後匈奴王徐盧等

五人降漢

師古曰功臣表云唯徐盧

上欲侯之以勸後亞夫曰彼背

其主降陛下陛下侯之即何以責人臣不守節者乎上

曰丞相議不可用廼悉封徐盧等為列侯亞夫因謝病

免相項之上居禁中召亞夫賜食獨置大胾

師古曰胾大臠音側

吏反○宋祁曰浙本注云大胾大臠也

無切肉又不置箸亞夫心不平顧

謂尚席取箸

應劭曰尚席主席者也

上視而笑曰此非不足君所

乎

孟康曰設胾無箸者此非不足滿於君所乎嫌恨之也如淳曰非故不足君之食具偶失之也師古曰孟

說近之帝言賜君食而不設箸此由我意於君有不足乎○宋祁曰浙本注文由我字上有豈不二字亞

夫免冠謝上上曰起亞夫因趨出上目送之曰此鞅鞅

非少主臣也居無何亞夫子為父買工官尚方甲楯五

百被可以葬者

如淳曰工官官名也張晏曰被具也取五百具甲楯也師古曰被音皮義反

庸苦之不與錢

師古曰庸謂賃也苦謂極苦使也○庸

庸

知其盜買縣官器怨而上變告子事連汙亞夫書既聞

上下吏

○宋祁曰浙本下字下有之字

吏簿責亞夫

如淳曰簿音主簿之簿簿問其辭情

師古曰簿問者書之於簿一一問之也

亞夫不對上罵之曰吾不用也

孟康

曰言不用汝對欲殺之也如淳曰恐獄吏畏其復用事不敢折辱也師古曰孟說是也一云帝責此吏云不勝其任吾不用汝故召亞夫令詣廷尉也

召詣廷尉廷尉責問曰君侯欲反

何亞夫曰臣所買器廼葬器也何謂反乎吏曰君縱不欲反地上即欲反地下耳吏侵之益急初吏捕亞夫亞

夫欲自殺其夫人止之以故不得死遂入廷尉因不食
五日歐血而死國絕一歲上廼更封絳侯勃宅子堅為
平曲侯續絳侯後傳子建德為太子太傅坐酎金免官
後有罪國除亞夫果餓死後上廼封王信為蓋侯至平
帝元始二年繼絕世復封勃玄孫之子恭為絳侯千戶
贊曰聞張良之智勇以為其貌魁梧奇偉

應劭曰魁梧丘虛壯大之

意也蘇林曰梧音悟師古曰魁大貌也梧者言其可驚梧今人讀為吾非也

反若婦人女子

故孔子稱以貌取人失之子羽

師古曰子羽孔子弟子澹臺滅明字貌惡而行

善故云然也

學者多疑於鬼神

師古曰謂無鬼神之事也

如良受書老父

亦異矣高祖數離困阬良常有力

師古曰離遭也

豈可謂非天

乎陳平之志見於社下傾側擾攘楚魏之間卒歸於漢

而為謀臣

○宋祁曰一作謀主

及吕后時事多故矣

師古曰故謂中屯難也

平竟自免以智終王陵廷爭杜門自絕亦各其志也周

勃為布衣時鄙樸庸人至登輔佐匡國家難誅諸吕立

孝文為漢伊周

師古曰處伊尹周公之任

何其盛也始吕后問宰相

高祖曰陳平智有餘王陵少戇可以佐之

師古曰戇愚也舊音下紺

反今讀音
竹巷反

安劉氏者必勃也又問其次云過此以後非

廼所及

○師古曰廼汝也言汝亦不及見也

○宋祁曰浙本正文及下有也字終皆如言聖

矣夫

前漢書卷四十

前漢書卷四十考證

張良傳景駒自立為楚假王在留○

臣召南

按留縣名

地理志屬楚國即後文良所云始臣起下邳與上會留者也良之封留即以此事別本作在陳留非也

故遂從不去○

臣召南

按史記作故遂從之不去見景

駒此班氏改正史記之失也高紀明言沛公道得張良遂與俱見景駒請兵以攻豐可見良亦見駒但自此決意從沛公耳

項羽後解語在羽傳○

臣召南

按此直用史記而失者

也鴻門之役史記於項羽本紀中詳敘故留侯世家
曰語在項羽事中若漢書既移敘其事于高紀故羽
傳從畧但曰語在高紀不應此文復曰語在羽傳也
此史家修改所未及處

呂后廼使建成侯呂澤○通鑑考異曰澤當是釋之

臣

召南

按考異是也蓋澤與釋相近而譌其下文又脫
之字耳呂澤封周呂侯呂釋之封建成侯恩澤侯表

可据也

叔孫通已為太傅良行少傅事○胡三省曰古世子有三師三少至漢惟太傅少傅耳

後六歲薨○史記作後八年卒

陳平傳里中社○孔穎達曰祭法大夫以下成羣立社曰置社注云大夫不得特立社與民族居百家以上則共立一社今時里社是也如鄭此言則周之政法百家以上得立社其秦漢以來雖非大夫民二十五

家以上則得立社故曰今之里社

王陵傳及漢王之還擊項籍廼以兵屬漢○

臣召南

按

陵之初從傳與表判然不同据此傳則在漢王還定三秦率五諸侯伐楚之後故下文云陵本無從漢之意也但張蒼傳言陵解張蒼之厄乃在沛公初定南陽未入武關以前何耶

周勃傳攻蘭虞取之○

臣召南

按史記作攻蒙虞是也

此承下邑之文曹參傳亦曰攻下邑以西至虞据地

理志梁國卽秦碭郡也下邑蒙虞三縣俱屬梁國此文蘭應作蒙又按下文追至濮陽下蘄城史記作下甄城鄆阿地近濮陽亦史記是

西擊益巴軍破之○凌穉隆曰益巴史記作盜巴二字筆畫相似未知孰是

所將卒斬豨將軍乘馬降○乘馬降史記作乘馬絺又丞相箕肆史記作箕肆將軍博史記作將勲又都尉高肆史記作高肆又遼東二十九縣史記作遼西遼

東二十九縣


惠帝六年置太尉官以勃為太尉○徐廣曰功臣表及
將相表皆高后四年始置太尉臣召南按傳此文與
公卿表同盖用史記世家而不取史記功臣將相二
表也

前漢書卷四十考證

謹案第十一頁前三行師古曰安焉也刊本脫曰
字今增入

第三十六頁前六行功臣表云唯徐廬刊本唯訛
睢據監本改





總校官庶吉士 臣張能照

校對官編修 臣張東愚

謄錄監生 臣胡先鳴